

宛陵生先詩集

光

詩

宛陵先生文集卷第四十一

和馬都官憶西湖

送志來上人

陵山羅氏堂

溫成皇后挽詞

和負上人虎窺泉

種碧映山紅

邵郎中園亭

與正仲遊廣教寺

哭謝公儀學士

和正仲

和季野馬上口占

命考功遺鱸魚

馬發運求海味

戲呈正仲

春日東齋

吳正仲遺新茶

閑居

和季野見招

和馬都宿縣齋

吳正仲見訪

昭亭潭上別弟

夢後得中道書

送吳季野移蜀靈泉

夜夢蔡紫微

和正仲赤目見寄

雨鷺

夏蟲

秋雨篇

中秋月下懷永叔

寄永叔出守同州

哭樞公謝學士

陪馬殿院會疊嶂樓

游西園亭

酒病自責呈馬施二公

寄馬御史

詠懷

志來上人

荅仲雅上人遺草書并詩

讀吳季野芝草篇

送吳季野

吳季野話撫州清心閣

詠懷

送毛祕校

鳴脚子

宛陵先生文集卷第四十一

宛陵先生文集卷第四十一
依韻和馬都官春日憶西湖寄陸生
時望前湖倚玉椽雲山橫絕路東西只知遠目窮
芳草不見高人在曲隄西棹尋春應醉去舊朋懷
昔欲鬼迷海邊燕子來無數願託雙飛寄短題
送志來上人往姑蘇謁元曹
折取東橋柳青青向故人欲知問館處要識舊溪
春旋洒銅鑿水休露野寺塵吳門逢隱者必是漢
名臣

宛陵先生文集卷第四十一

依韻和馬都官春日憶西湖寄陸生

時望前湖倚玉椽雲山橫絕路東西只知遠目窮

芳草不見高人在曲隄西棹尋春應醉去舊朋懷

昔欲鬼迷海邊燕子來無數願託雙飛寄短題

送志來上人往姑蘇謁元曹

折取東橋柳青青向故人欲知問館處要識舊溪

春旋洒銅鑿水休露野寺塵吳門逢隱者必是漢

名臣

溫成皇后挽詞

鞏洛園陵啓函闕鹵部聞素車迎紫氣靈襪度青
雲歌欲傳長恨人將問少君明年賀元日無復繡
衣薰

和貞上人萬松亭虎窺泉

南岡新路平東嶺新亭成嶺上松萬株嶺下泉一
泓松未龍鱗老泉曾虎跡行虎去豈不渴松今豈
不生泉無百尺繩安見甘與清松無百歲人安見
千丈榮道人能喻道莫使世人驚我來開醉眼
似阮步兵

種石映山紅於新墳

年年杜鵑啼口滴枝上赤今同長弘血三歲化為
碧因移新塚傍顏色照松栢

邵郎中姑蘇園亭

吟愛樂天池上篇買池十畝皆種蓮薄城萬竿竹
嬋娟藤纜繫橋青板船折腰大菱不直錢鳩鵲灘
鵜沙際眠水從太湖根底穿月出洞庭山上圓公
瑞與客相留連秋風鶴唳春杜鵑斑鱸斫膾紅縷
鮮紫豉煮莼香味全我思白傳在三川吳船雖有
吳饌偏當時九老各華顛裴令來過吟復聯至今
怪石存舊鐫七葉樹蔭黃金田羨公有子勝昔賢

高門通車千萬年

與正仲屯田遊廣教寺

春灘尚可涉不惜濺衣裾古寺入深樹野泉鳴暗
瀑酒盃參茗具山巖間盤蔬落日還城郭人方帶
月鋤

哭謝公儀學士

道路傳聞日驚嗟尚復疑疾因勤學得命不與人
期買誼年傷少相如恨見遲向來公輔器看取李
家知

依韻和王介甫兄弟舟次蕪江懷寄吳正仲

楚客連檣泊晚風吳人江畔醉無窮少陵失意
偏老子厚因遷華更雄貫口信潮千里至平沙
日一時紅知君兄弟才名大我愧白頭遼水東

依韻和吳季子野馬上口占

溪頭三月草菲菲城畔春游惜醉稀莫信杜鵑
上鳥人歸猶道不如歸

邵考功遺鱉魚及鮓醬

已見揚老撲撲飛鱉魚江上正鮮肥早知甘美勝
羊酪錯把鮓羹定是非

昨於發運馬御史求海味馬已歸闕吳正

仲忽分餉黃魚鱣將曹鮓子因成短韻
前欲淮南求海味緘書未發報還臺陸機黃耳何
時至嬰品分傳事按盃

正仲荅云鱣鱣乃是毛魚耳走筆戲之未開鑿
認其器

折却毛魚一品資吳郎聲屈向吾詩若論鱣子無

從著冤氣衝喉未可知正仲詩云鱣黃鮓子出
蘇臺鱣非出鮓也

春日東齋

剝剝禽敲竹薰薰日照老耳中無俗聽眼底有閒
誇逃笱過幽草吹香到別家吾懷方自得切莫問
生涯

呈正仲遺新茶

十片建溪春乾雲碾作塵天王初受貢楚客已烹
新漏泄關山吏悲哀草土臣捧之何敢啜聊跪北
堂親

閒居

讀易忘飢倦東窓盡日開庭花昏自斂野蝶晝還
來謾數過籬荷遙窺隔葉梅唯愁車馬入門外起
塵埃

依韻和季野見招

悲憂如路去無程靜節終朝酒自傾苦苦來招為

醉伴西山不使伯夷清

依韻馬都官宿縣齋

常愛陶潛遠世緣
阮家仍有竹娘娟
夜深風撼蕭蕭響
誰憶北窓人正眠

吳正仲見訪迴日暮必未晚膳因以解嘲

永日無車馬閑坊有竹
隣雨中烏帽至門外綠苔
新不殺雞為具堪頭鳳
向人山公識墨在知我舊
來貧

昭亭潭上別弟

從來潭上別先賽
故山祠却入舟中飲
無令盞盡

遊漢持一日醉便作數年期
落日馬嘶急岸傍人

散時

夢後得宗中道書

四月十九日

宵夢宋子誥畫得宗子書
書意與夢語曾不異往
初昔我遭家難逢子亦在廬
我南君大梁千里非
隔踈念處天地中
天地猶一車日月為兩轂
星辰隨徐徐晝夜轉
不已載之將焉如
舟舟趨死鄉萬古曾無餘
其間乃有夢覺實夢何虛
何虛亦何實及盡皆同墟
身世既若此合離休歎諸

送吳季野太博移蜀靈泉先至犍軍

蕭蕭蠶齊老桑林葉更生楚禽多異響蜀棧未堪
行客散岸傍席馬還溪上城過都當有問為語欲
崑耕

至和元年四月二十日夜夢蔡紫微君謀

同在閣下食櫻桃蔡云與君及此再食矣

夢中感而有賦覺而錄之

朱櫻再食雙盤日紫禁重頒四月時澗朗天開雲

霧閣依飾身在鳳皇池味兼羊酪何由敵豉下莼

羹不足宜原廟薦來應已久黃鶯猶在最深枝

依韻和吳正仲赤日見寄

尋常不病眼青白看人多暫見朱成碧難逢扁與

和金篋舊說在河訶子古方磨我自苦風痺思君那

得過葛洪治赤日翳膜方訶子
一枚以密口磨注目中

雨鷺五月五日

雨燕去還來嘶蟲為鷓食雄雌濕已倦梁棟冷並

息綠礎蚍蜉群拾餒蜻蜒翼穀粟滿京園任從黃

雀得

夏蟲

物久必自化化之猶騫騰當看剗中俎去作盤上

繩飛聲既混雞斂迹何疑冰寄言漆園吏已知鷓

與鵬

秋雨篇

秋雨一向不解休連昏接晨終窮秋梅生不量仰
 天問神官夜夢言語周日月是天之兩目忽然生
 翳無藥瘵只知淚澹為赤子赤子豈悞天公憂天
 公哭霽霽洒涕落九州地祇不敢安泥濘已沒頭
 乃因從容誥神官后稷今在帝所不從前后稷知
 稼穡曾以筋力親田疇曷不告帝且輟泣九穀正
 孰容其收蚤時不泣此時泣憂民歎活反扼喉神
 官發怒髭奮虬下士小臣安預謀恐然驚覺汗交

流樹上已聽呼雌鳩

言昔中秋月下懷永琳

有朋無明月秉燭光張法致有丹無樂朋獨酌顏

易醉往年過廣陵公飲來我值期玩秋蟾圓靜掃

庭下地復邀高陽公贖作詩準備持持乃多連後

池風雨至一夜看石屏但嗟無逸氣今宵皓如晝

千里嗟離異固知理難并把酒遙相寄

開永神出守同州寄之

見旒高拱元元上左右無非唯唯臣獨以至公持

國法豈將孤直犯龍鱗萊蕪款把人留楚首蒼方

枯馬入秦訪古尋碑可銷日秋風原上足麒麟
誰言天去遠山上有樓臺峯色引谿色共入柴
盃行當登泰山雲掃日月開桐鳥與城鳥兩處
鳴哀
酒病自費呈馬施二公
李白死宣城杜甫死耒陽二子以酒敗千古留文
章我無文章留何可事盃觴承先子戒宜不着
口嘗昔聞有田實以此相滅亡禮飲不在多歡飲
不在羨二公方逢時安得入醉鄉

宣城馬御史酒闌一夕而西因以寄之御
史嘗留老馬與予僕

三更醉下陵陽峯平明溪上去無蹤又牙鐵鑲謾
橫絕濕櫓不驚潭底龍斷腸吳姬指如筍欲剥玉
將何從短翎水鴨飛不遠那經細雨山重重却
顧舊埒老病馬塵沙塵盡空龍鍾

詠懷

西方有鳥鼠生死同穴居物理固不測孰言飛走
殊雄雌豈相匹飲啄豈相須一為枝上鳴一為莽
下趨苟合而異嚮世道當何如

荅仲雅上人遺草書并詩

經月不出戶堂上多綠苔忽有方外客衣披稻畦
來來從青山下手把純素裁筆草數行字瘦虵起
春雷渴墨未散霧屈角麟欲開裝為兩大軸置我
弄瓊瑰懶瞋長鬚奴挂壁不掃埃智未與懷素其
名久崔嵬師今繼此學入神在徘徊未料輒以我
便比和羹梅戒心常苦酸得姓何可能

讀吳李野芝草篇

阮生存詠懷羨彼曜朱堂一榮不復枯五色異衆
芳衆芳發朝露俄以斂夕陽丹堊起瓦礫又匪媚

棟梁此畫由至和君子要有常

送吳李野

贈言必有規無規固無言強言苟無補何異秋蟲
喧君行蜀道難不戢治輕軒毋歿未歸土女長未
出門誰能力為此勞苦游牆藩

吳李野話撫州潛心閣

高閣潛心所圖書曝蠹收青山隨宅轉遠水向門
流迤邐看無戢潺湲聽不休一聞秦洞說便欲泛
漁舟

詠懷

一身頭面間所用蓋有長兩耳主於聰兩目主於
光維鼻主於嗅維舌主於嘗以耳辨黑白以目分
宮商以鼻識酸醎以舌聞嗅香各各及爾用安得
無悲傷此能而兼彼自勞由不量寄言世上人欣
欣蹈其常

東方有野父襤曰一豚蹄復操一盂酒祝穀滿吾
棲百金請救兵所欲奢所齎彼何滑稽生仰天獨
笑齊

自余居田里未免病與貧常把神農書每以藥物
親處方猶持法義比君使臣但恨無餘資豈及療
我隣華頭不中書聊可備急人昨日除吏來吾邦
為長民欲溺復燃灰敗筆前已陳

風驅暴雨來雷聲出雲背若決千仞溪追奔下天
鎧堂堂亞夫軍吳楚不足碎旱氣沃原田煩蒸洗
闌闌深料生注射聚沫猶壅礙青葱少樹鮮斷殺
虹霓在向晚留霽暉夫容染新黛

送毛祕校宣城主簿被薦入補令

良驥不必大騰羈已超邁良弓不待寒調弦自勁
快宣城古大邑聽訟易靜曠君能快其塞宰與民
共賴自當割雞用乃必無鈍敗嘗聞開元時令長

多賜戒戒石今尚存世異事不背以此贈行行無
酒勿我怪

鴨脚子

魏帝昧遠圖於吳求鬪鴨乃為吳人料重玩志已
匿江南有嘉樹脩聳入天挿葉如欄邊跡子剥杏
中甲持之奉漢宮百果不相壓非甘復非酸淡苦
衆所狎千里竟賚貢何異貴爭噍

宛陵先生文集卷第四十一

宛陵先生文集目錄卷第四十二

八月十五日夜東軒送楊辯青州司理

訪懷賢不遇

游隱靜山

路詠

書席語送馬御史

送李南玉

代寄鴨脚子

秋日家居

昭亭別施度支

潘歙州話廬山

秋日村行

吳正仲遺蛤蜊

送潘歙州

馬都官遺黃柑

酬惠柑子

懷新安潘侯

自和寄潘歙州

避為師和谷獻甫

送李逢原

重送李逢原歸蘇

黃國博遺銀魚乾

三和寄潘歙州

送天台李令

賽昭亭神

和吳正仲冬至

施君挽歌

杜和州寄新醅

和谷正仲罷飲

送王景憲奉職

讀毛祕校新詩

送允從還廬山

和諸公尋重臺梅

再和正仲

三和戲示

嘉雪應祈

四和正仲

雪

目錄

宛陵先生文集卷第四十二

八月十五日夜東軒

隔竹已見月清光度谿來移影上素壁與我相徘徊
是夜正中秋天地霧露開人疑玉兔出藥杵不生
埃嫦娥倚冰輪艷色若自媒它夕豈不好物意
為之推

送楊辯青州司理

儒者服褒衣氣志輕王公一落該網中折節長俯
躬山東多豪士片言不可窮青土饒嘉棗無以人
鈍蒙彼知南楚輕強始必弱終矯志合其情乃是

吾徒通行當問友生為我舉盃空

隱靜山訪懷賢上人不遇

前
松上垂青蔓蒲根瀉碧泉高僧來不見却返五峯

游隱靜山

心在名山久積歲未及遊將過值風雨路不通馬
牛丁壯四五人籃輦時更休轉谷逢煙火下隰多
田疇偃穠黃豎畝刈麻東盈丘姑覺山門深長松
如騰虬直上百餘尺蒼髯葉脩脩五峯迎人來冷
逼臺殿秋石泉出雲中引入舍下流緣源至山口

崑底魚可鉤天昏碧溪去果熟青猿偷草樹不盡
識自起詩人羞濺濺澗水淺苒苒菖蒲稠菖蒲老
已晚菖蒲茸尚柔靈根采九節試共野僧求逡巡
能致之衰疾無甚憂昔聞有釋子渡江用盃浮樓
心向茲地理骨在林阨駁陰漏斜光徒欲窮巖幽
夜還南陵郭幾落猛虎喉

賸詠

五里十里銷磨盡千蹄萬蹄來往蹤古今不是不
經歷踏破青山重復重

書席語送馬御史

天意漫漫物自供聞香能至是喧蜂野人割蜜不
須盡留與寒脾作御冬

五里十送李南玉

小人貧於資君子貧於時小人富於貨君子富於
辭貧雖同寒飢富不同路岐彼富歿則已此富名
不移丈夫事百變未死安可期明明趨財利莫卹
前人嗤舉家如春蠶仰食不可遲況念宿債窘何
愧賤士為買臣嘗負薪相如猶滌庖君思此二人
信吾所不欺適者有趙壹窮憤自興詩無驥抱美
玉樂與知未知古來鮮逢遇後世無苦悲

代書寄鴨脚子於都下親友

予指老無力不能苦多書書苟過百字便覺筋攣
拘京都多豪英往往處石渠作書未可周寄聲亦
已踈後園有嘉果遠贈當鯉魚中雖聞尺素加餐
意何如

秋日家居

移榻愛晴暉脩然世慮微懸蟲低復上鬪雀墮還
飛相趁入寒竹自收當晚閑無人知靜景苔色照
人衣

昭亭別施度支

昭亭送客地來往四十年常視松蘿日每稽潭上
煙風移虎旗脚寒入牛童肩待訪名山去相期廬
阜前

潘歙州話廬山

潘侯話廬山落落尤可伏初云江上來遠見雲中
瀑捨舟到雲外觀瀑已崑麓往往逢平田攢攢愛
深木竹門懸徑微源水陰藤覆坐石浸兩散炎膏
起芒粟夕陽穿萬峰高下相出縮尋常杳不分但
被烟嵐畜絕頂水底荅開謝向淵腹風力豈能加
日氣豈能曠攬之不可得滴瀝空在掬夜昏

居孤燈望溪曲忽聞清磬音漸近幽林屋止侯休
多談已滿我心目懷游二十年夢寐今固孰何當
借輕舸一往如飛鷲

秋日村行

谿霧晝又收山村夜初晦飢禽來往飛遠樹青紅
碎原上楚牛童屋頭吳婦碓雞肥酒已熟野老邀
同輩

吳正仲遺蛤蜊

紫綵常為海錯珍吳鄉傳入楚鄉新罇前已奪蟹
螯味當日莼羹枉對人

送潘歙州 潘過宣城而送之

一見新安守便若新安江洞澈物不隔演漾心所
降遠指治所山已入隣齋憲捧輿登南嶺榮馬懷
舊邦養親將為壽傾甘抱玉缸觀軍將勞士變肥
堆羊脰下車談詩書上世擁旄幢勿窺淵游鱗無
吠夜驚猿他日聞譯弟天下誰能雙

馬都官行之惠黃柑荔枝醋壺

梁霜胡甘熟烘日荔枝羨橘柚未為精葡萄安可
擬郭生始能贊魏文何課比二果比日世珍乃遺及
賤士而復副醇醖或乞自諸已豈唯早遠味終得

為直矣

郭璞贊云厥包橘柚精者唯甘類文帝記
云南方龍眼荔枝寧北而國葡萄石蜜

前以甘子詩酬行之既食乃綠橘也頃年

襄陽人遺甘子辨是綠橘今反自笑之

昔辯荊州侯今為越叟迷黃柑與綠橘正似珣珠

圭

新安潘侯將行約游山門寺予以潭潭遂

止因為詩以見懷

蒼山自為門呀豁異鵲鏡路通石壁盡潦起田穉

陷傍嶺有結廬潛潭淨於鑑聞之固欲往久雨濕

泥濘莫陪太守車然諾豈誰賺遙遙橋上去望望

馬猶站畏滑不肯行非關惜鞵鞵

依韻自和送詩寄潘歙州

潘侯擅詩筆五色神授江世家有大勳佐舜同庖
降子孫逢太平少小事書窓源流本慷慨吐論皆
經邦量猶函牛鼎吾徒媿罌缸開口必典寶省腹
隄空腔作者過我門應关無戟幢窮老在弊廬何
異守戶狔有心希買交白璧無一雙

避爲師依韻答李獻甫

蛟龍養鬚鬣鼠當在浩浩潯虎豹養文采當在巍
巍岑我無太山高我無滄海深斗水與堆阜恐未

慰此心

送李逢原

襦衡負其才沉沒鶯鷓洲李白負其才飄落滄江
頭後亦多効此才薄空羈囚文章本濟時反不能
自周吾嘗戒吾曹慎勿異爾流臧倉毀孟軻桓魋
迫聖丘雖云推之天未免皇皇求吾今重子學無
力薦公侯行當思吾言非教子佞柔

重送李逢原歸蘇州

吳客歸從楚霜華着馬蹄倦童持弊橐呼艇過寒
谿窳寔區中飯依稀日午鷄張儀猶舌在不必愧

於妻

黃國博遺銀魚乾二百枚

乾若會稽筍色比荊州銀熟宜煨栗火飲助擁爐
人低陰欲飛雪酒微生頰熱海上使方來多饒不
為餐

三和寄潘歙州

昔固聞陸海今復有潘江文章吞時英光北亡瞻星
降爾雅曰降妻妻也如游太室陽仰見玉女窻高才生大
國試政來遠邦道傍一相顧冰壺臨瓦缶逸驥美
豐肉老癯慙瘦腔藻詠荅下俚玉鈔謝實幢尋言

不悟言自关赴塊狷終知將門豪射鵬常貫雙

送天台李令庭芝

吾聞天台久未見天台狀去海知幾里去天知幾
丈峯嶺隱與出岳壑背與向雲雷反在下泉瀑反
在上幽深無窮窺杳眇無窮望至除可悸慄至怪
可駭喪石橋彎長弓跨絕絃未放當時白道敵平
步入青嶂去為六百石亦見志所尚子欲廣異聞
可以一尋訪

十一月十二日賽昭亭神

冷雨凝雪未成雪潭空魚寒歸石穴長篙扣穴倩

鯉魚寄信山頭來，奠設魚傳永鳥飛。上山山大槎
槎乾吹咽旋灰起，角巫鼓鳴凍俎銅盤顛。牲血瑟
琶嘈嘈神降言，福汝祐汝無災孽。西向啐飲東向
迴，豁心却望山崔嵬。
依韻和吳正仲冬至
流光冉冉即衰遲，物趣迴還似轉規。長景已知今
日至，孤懷不比少年時。阻陪上閣鴛鴦後，且與
南州父老期。况有春禾新酒熟，百分休放手中卮。
施君挽歌
哀輝悽悽裏，銘旌杳杳中。澗雲銷總帳，山雨入高

世路行來久，泉途去莫窮。素吟應共葬，飲韻在
松風。

杜和州寄新醅，吳正仲云家有海鮮約予
攜往就酌，逡巡又云幙中有會且罷此飲。
淮南寄我玉醅酒，白蚶海月君家有。欲持就味明
日期，窮羨易覆已反手。從事開筵不可辭，燕脂秀
臉羅前後。長頸善謳，頌頌只恐老來歡意休。
依韻答吳正仲罷飲

君辭予家傾蟻醅，自有嘉味須持來。青篋絡餅方
出戶，紅粧侑席已邀杯。窮愁一飲猶闕分，側望群

賢不可陪靜坐紙窓無所得只將文字眼前堆

送王景憲奉職

清羸將家子苦節自寒儒四壁我何有一錢君亦
無下灘船亦急聞鴈日將晡行愛青山口人烟事
網眾

讀毛祕校新詩

毛公明於詩其系宜善續前示五長篇大頌傾幾
曲豈特元和間款噲成珠玉

送允從上人還廬山

山高雲在下諸壑藏半空千重萬重現正望落日

中不知野僧歸石徑寒易通松間無人掃墮葉如
斷髮獨行逢莫寒衣裂溪上風

依韻諸公尋靈濟重臺梅

梅要山傍水次栽非同弱柳近章臺重重葉葉花
依舊歲歲年年客又來雖愛千枝競繁密還嗟短
髮已衰頽郎官博士留車騎擁蔽脩篁為斫開

和正仲再和罷飲

吳味期君強飲開楚醅因我破愁來何言合美將
虛館却憶爭妍就捧杯夜霰已先庭雪集單衣難
與毛毳裘陪踐盟幾欲驅車去塵事無端日日堆

和韻三和戲示

筇箐畫蛤瓦缸醅海若淮壩各寄來將學時人關
牛飲還從上客舞娥杯蓬蒿自有蔣生樂珠翠寧
容鄣氏陪莫計寒暄與風雪古來黃土北垣墻
成與盧子幹同事馬融融後堂
有珠翠之會康成不得預焉

嘉雪應祈呈權郡通判

臘近冬殘雲未合江南青蠅麥休肥誰將太守隨
車雨一夜從風作雪飛

依韻四和正仲

四和還如九醞醅更醇更美未嫌來相逢莫作兩

般眼一飲不辭三百杯嵇阮當時無俗慮山王雖

貴亦能陪如今世態尤堪薄只把官資滿眼堆招

飲鄭云自且至
暮三百餘杯

雪

朔雲生晚雨臘霰集狂風不數花多出安知天更
工漫階夜已積萬物曉初蒙誰憶新豐酒乘驢灞
水東

宛陵先生文集目錄卷第四十三

和郭祥正見懷

採石月贈郭功甫

和郭秘校苦寒

和郭秘校偶作

送功甫還青山

送鄧生

送才上人

樂椽示新詩

曹虞部浩然堂

紅梅篇

和正仲見招

寄送吳通判

正仲求紅梅

初聞蛙

百舌

萬表臣報梅

隱靜山寄樹種

補題善惠禪齋

送萬幾丞虔州

野望

泛溪

春陰

新鷺

梨花

新笋

海棠

正仲遺蟹

老馬

自詠

鸚鵡

曉

朝二首

宣州雜詩二十首

打鴨

暝

夜

東溪

呂大監餉鯊魚

香鑪

茶磨

送白珙秀才

送閻丘殿丞

獻甫過

目錄終

宛陵先生文集卷第四十三

依韻和郭祥正秘校遇雨宿昭亭見懷

君乘瘦馬來骨竦毛何長下馬與我語滿屋聲琅琅
一誦廬山高萬景不得藏出沒望林寺遠近數
鳥行鬼神靈怪變天地無炎涼設令古畫師極意
未能詳誦說冒雨去夜宿昭亭傍明朝有使至寄

多驚俗章

郭來誦歐陽永叔廬山高送劉復

採石月贈郭功甫

採石月下聞謫仙夜披錦袍坐釣船醉中愛月江
底懸以手弄月身翻然不應暴落飢蛟涎便當騎

魚上青天青山有冢人謾傳却來人間知幾年在
昔熟識汾陽王納官貫死義難忘今觀郭裔竒俊
郎眉目真似攻文章死生往復猶康莊樹穴探環
知姓羊

依韻和郭秘校苦寒

噫風鳴悲鳶鳴哀雨霰枯木爲之摧昭亭山頭野
火滅海水夜凍迷蓬萊燭籠以爪自掩耳酒盞生
冰拈不起陶潛棄官屋無米兒嚎妻啼付隣里

依韻和郭秘校昭亭山偶作

知君棄官後江上尋名山心旣慣世內迹欲還人

間昭亭忽來過覽古興長歎野寺拂塵壁丹陽已
爛熳殿角虛寶鐸微風聲珊珊遺像與筆蹟始得
觀裴顏淺井何泠泠前溪何潺潺幽幽隨猿鳥渾
渾忘區寰裂裳不爲媿餌芝不爲難坐對寒雨中
松上孤鶴還

送郭功甫還青山

來何遲遲去何勇羸馬寒僮肩竦竦昨日棄爲梅
福官扁舟早勝大夫種負經不厭關山遙訪我猶
將歲月恐得言會意若秋鷹反翅歸飛輕飽鼯明
朝到家年始開椒花壽酒期親捧何當交臂須強

行莫作區區事立壟

送鄧生

哀哀彼鄧子扶柩歸長沙朝暮哭失聲驚聒墻上
鴉飛去復飛還相與棲水涯卜葬不當緩早晚能
到家

送才上人還雪竇寄達觀禪師

春雪滿衰笠海邊先鷺歸千林新改葉百衲舊來
衣谿水從何至山雲自解飛報言崑下客齋鉢筍
應肥

樂掾自淮南迴示新詩

淮南歷覽還宣城囊多嘉句何冰清入門先叫十
年兄袖中大卷持來評我雖暗愚眼不盲要識合
如劉長卿舉頭不言笑且驚此兄議論頗稱情我
亦感君知我名阮籍從呼作老兵

蘇州曹琰虞部浩然堂

姑蘇臺上麋鹿嘯夫差城中樓觀高荒榛盡已付
明月萬古憤怒空秋濤吳亡越霸能幾日後世擾
擾猶鴻毛孟軻善養浩然氣充塞天地無飢饉慕
而爲堂亦有意不學屈子成離騷

紅梅篇

昨夜輕雷起風雨芍藥紅牙竹欄土南庭梅花如
杏花東家殘朱塗頰醜夢爲裳衣藥爲組枝爲高
君餘爲戶蛺蝶未生蜂未來赤身掩斂無金縷終
然有子當助傳說羹落亦不學飛鸞皇后迴風舞
此意又笑麻姑與王母勾引何人擗麟脯是非方
朔謾漢武只知此桃不知語樹不着口數而今言
之已莫補放我渾丹鳳皇羽

依韻和吳正仲聞重梅已開見招

難開密葉不因寒誰翦鵝兒短羽攢猶是去年驚
目艷不知從此幾人觀重重好藥重重惜日日攀

枝日日殘我爲病衰方止酒願携茶具作清歡

寄送吳公明屯田通判秦州

一聞春禽淩餅焦竹林山木生蕭條憶君將向洛
門去胡馬無塵塞路遙將軍本是漢丞相玉帳坐
辨牙旗鼻白面書生有肝膽少年曾過咸陽橋今
雖老病由廬巷爲報緩制秦兵驕

吳正仲求紅梅接頭

君家梅溪上但見梅花白我家家樹紅求枝寄歸
客翦接如交情本末不相隔明年舉酒時醉頰生
微赤

初聞蛙

朝開南籬梅暮聞北池蛙何時科斗生草根已吐
牙只畏草葉長其下可隱蛇游子且勿行科斗成
蝦蟇

百舌

一冬常噤默乘春何多舌蒼毛無文章尖喙苦騰
說曉升高高樹百鳥言漏泄只未聞鳳皇有亦學
不徹傷哉古辯士往往遭車裂

萬表臣報山傍有重梅花葉又繁諸君往
觀之

前時見多葉曾何數尋常今見葉又多移賞南澗
陽寄言莫苦恃更多殊未央

去臘隱靜山僧寄榷樹子十二本栢樹子
十四本種於新墳

梨栢移皆活風霜不變青冢垣雖闐寂田客每丁
寧不待為書几常流作鬼庭東邊夾路少更致儻
能令

補題東都善惠師禪齋

香象紅蓮坐菴盆白石臺上公金印去王子玉駒
來曾見寒餅水明無寶境埃世人何擾擾時為一

言開

送萬殿丞虔州安遠軍金甲去王子玉體

新雷動江雨百鳥響溪巖逆水送行客順風催挂

帆過山唯廟敬團飯與烏街太守雖怜舊須防有

嫉讒

野望

新晴宜野望最愛是山前遠近花兼竹高低水拍

田呼名鳥無數問姓客多年此地春耕晚吳牛樹

底眠

泛溪

中流清且平捨楫任舡行漸近鷺猶立已遙村覺

橫何妨綠樽滿不畏晚風生屈賈江潭上愁多未

適情

春陰

雲墜花房冷風開柳絮遲幽人宿醒在靜館晝眠

時欲雨天無雨將絲鬢未絲孔融過五十歲月已

堪悲

新鷺

前時春社畢今日鷺來飛將補舊巢缺不嫌貧屋

歸銜泥和草梗側翅過柴扉豈比鷺九雀迎人欲

拂衣

梨花

處處梨花發看看鶯子歸園思前法部淚濕舊營
妃月白鞦韆地風吹蛺蝶衣強傾寒食酒漸老覺
歡微

新筍

挑筍春雷後晴坡過雨時何言江外早已比洛陽
遲園客自偷賣主人那得知徒令養新竹待與作
藩籬

海棠

要識吳同蜀須看線海棠燕脂色欲滴紫蠟帶何
長夜雨偏宜着春風一任狂當時杜子美吟編獨
相忘

二月七日吳正仲遺活蟹

年年收稻賣江蟹二月得從何處來滿腹紅膏肥
似髓貯盤青殼大於盃定知有口能噓沫休信無
心便畏雷幸與陸機還往熟每分吳味不嫌猜

老馬

馬御史所書

吳人惜燕駿燕馬卧吳家毛骨從前貴關山欲去
賒草深閑楚澤力盡憶胡沙御史乘來久時逢避

路驕

吳人自詠

閑戶無還往端居廢禮容
花為貧富酸鷺是舊鳥
從持屐對人蠟綻衣看婦
縫非同叔夜傲切莫怪
踈慵

鷓鴣

一入秦宮去千山籠樹秋
能言依婦女學語類俳
優玉鑲閑拘束金籠不自
由哀良是黃鳥死為穆

公羨

曉

烏雌喙不出海天地無明
時萬國睡未覺一聲鷄已
知樹山頭星漸沒枝上露
應垂人世紛紛事勞勞只
自以為

朝二首

鷺鴨出欄去兒童臨水驅
欲開花泣露聚噪鳥窺
厨秣馬刈青草買薪嫌五
銖錢刀豈今古村叟一
何愚

六鑠初開水上城竹籬深
閉日光生青苔井畔雀
兒關鳥曰樹頭鴉舅鳴世
事但知開口笑俗情休
要着心行是非不道任挑
撻唯憶當時阮步兵

宣州雜詩二十首

昭亭萬仞山古廟半山間
賽雨使君去釣潭漁父
閑巖出岫向日竹暗壠
連關北望高樓上南飛鳥
自還

三洲灘口急兩水渡頭來
下過淵聖彝宅上通巖子
臺潺湲瀉寒月澆漾照春梅
白鷺驚起處魚多見
底迴

一過響山畔常思路中丞
開亭宴貔虎制賊象冰
蠅蒼白刻多磨滅今人少
有稱茸茸春草長時有牧
牛登

伍真奔吳日蒼皇及水濱
彎弓射楚使解劍與漁
人扶日觀亡國鞭尸失舊臣
猶為夜濤怒來往百
川顛

每見昭亭壁高瓌筆墨存
丹青虛格裏雲霧碧紗
痕鳥屎常愁汚蟲絲幾為捫
貴來曾改觀世故有
辭論

信謠多見逐伐國豈無仁
屈子行江畔昭王問水
濱包茅曾責貢香草自持紉
莽蒼山川在漁歌屬
野人

項籍路由此力豪聞拔山
八千提楚卒百二破秦關

陔下園歌合江頭匹馬還却思諸父老相見亦何顏

細雨春岡滑無因駐馬蹄裘單懷後侶風急過前溪近寺聞魚鼓穿林聽竹雞田家春正急炊飯待鋤犁

古有琴高者騎魚上碧天小鱗隨水至三月滿江邊少婦自撈攏遠人無弃捐憑書不道薄賣取青蚨錢

諸葛久精妙已能聞國都紫毫搜老兔蒼鼠拔長鬚露筦何明淨煙丸事染濡班超投此去死作玉

關天

大實木瓜熟墜枝常畏風帖花先漏日噴露漸成紅青若包山舍馳心奉漢宮誰將橐駝載辛苦向驕戎

竿頭注腐鼠水次野蜂知每視街飛翅因薰劔取罍絳囊千里道乾螭百鈞馳盡入公侯第雕盤助酒卮

高林似吳鴨滿樹蹠鋪鋪結子繁黃李炮仁瑩翠珠神農本草闕夏禹貢書無遂壓葡萄昔秋來徧上都

鳥命若楊葉夜棲雞翼問情知羽毛薄自禦雪霜
難相託爲溫煖終非學附攀猶勝居鷓握憂懼得
生還

柳子厚鷓說云

高齋謝公歿此地即危樓不改窓中岫無停川上
舟壁陰綠薜荔城暝笑鵝鷓萬井曉煙合素霓橫
樹頭

北客多懷北庖羊舉玉卮吾鄉雖處遠佳味頗相
宜沙水馬蹄驚雪天牛尾狸寄言京國下能有幾
人知

五月黃梅肥終朝密雨微綠苔侵竹閣潤氣
衣背隴露牛去嚼虫濕鷺歸高山發瀑水夜漲入
吾扉

斫漆高崖畔千筒不一盈野糧收橡子山屋點松
明只見樹堪種曾無田可耕兒孫何所樂向此是
平生

傳道零陵守茲亭暫解裝分群同鴈鷺幾日到瀟
湘班竹思虞舜潁渚憶楚王殷勤吏部句今亦誦
無忘

宛水過城下滔滔北去斜遠舩來橘蔗深步上魚
蝦鵝美冒椒葉蜜香聞稻花歲時風俗美笑殺異

鄉槎

打鴨

莫打鴨打鴨驚鴛鴦鴛鴦新自南池落不比孤洲
老禿鷓禿鷓尚欲遠飛去何況鴛鴦羽翼長

暝

杳杳鍾初發昏昏戶閉時巢禽投樹盡疲馬入城
遲醉唱眠笳屋燒光透橫籬荷鋤休帶月亭長豎
毛眉

夜

日從東溟轉夜向西海沉群物各已息眾星燦然

森蝦蟆將食月魍魎爭出陰阮籍獨不寐徘徊起
彈琴

東溪

行到東溪看水時坐臨孤嶼發船遲野鳧眠岸有
閑意老樹着花無醜枝短短蒲茸齊似翦平平沙
石淨於篩情雖不厭住不得薄暮歸來車馬疲

呂大監餉鱖魚十尾

日暖楊花四散開江邊鱖魚無數來伊魴洛水不
堪憶丙冗漾陂何可哈賀監休思鏡湖去應知李
白跨鯨迴

香鑪 李獻甫惠

鐵鑄小香爐壁環平口鋪麝焚葵葉大獸齧竹根
跌淨几羣書外閑堂一物無中間任灰燼終與蕙
蘭俱

茶磨二首

楚匠斲山骨折檀為轉臍乾坤人力內日月蟻行
迷吐雪誇春茗堆雲憶舊溪北歸唯此急藥臼不
須擠

盆是荷花磨是蓮誰龍磨石洞中天欲將雀舌成
雲末三尺蠻童一臂旋 得自三天洞吳氏

送白珙秀才

谿上桃花發山前桂舸移水流過峽急風逆出江
遲南國魚蝦馱東都夢寐思逢人若有問下似在
朝時

送閻丘殿丞

每有西歸客誰無滿袖詩都忘將別意競媚向官
資憑在屋頭月照君牆上旗不同山一定更遠更
相隨

獻甫過

幾樹桃花夾竹開阮家閭巷長春苔啓扉索馬送

客出忽覺青紅入眼來

宛陵先生文集卷第四十三

宛陵先生文集目錄卷第四十四

寄維揚許待制

紫微亭

聞臨淄公薨

吳正仲遺二物

和張簿見贈

送正仲發梓待闕

再送正仲

鐵獺

送回上人

送徐尉罷任歸

志來上人寄醪醖

聞鶯

杜鵑

和李察推留別

送李節推

新開墳路

送鄒秀才游浙

張十遺牡丹

和唐彦猷十詠

李獻甫遺椰子

時魚

烏賊魚

和行之枇杷

和行之紅梅

送王尉罷任歸京

南陵息真渠閣

讀問月

雨中飲

和李野游山門寺

目錄終

宛陵先生文集卷第四十四

寄維陽許待制

當時永叔在揚州中秋待月後池頭約公準擬與
我敵是夜二雄張利矛我時小却避其銳風愁雨
怛嫦娥羞主人持出紫石屏上有朏鬼桂樹婆娑
而枝虬作詩誇詫疑天公愛惜光彩向此收四坐
稽顙歎辯敏文字響亮如清球更後數日我北去
相與送別城門樓誰知康成能飲酒一飲三百杯
不休雞鳴各自便分散山光寺側停畫舟我來謁
公公未起卧索大白湏扶頭而今倏忽已八載公

領府事予居憂歐陽始是玉堂客批章草詔傳星
流問公可憶羊叔子雖在軍中常緩帶而輕裘寄
聲千里能信不

紫微亭

在池州

江雲如旗脚墨點飛鴈行平圃采芳菊上水酌桂
漿爲言此何時杜子逢重陽醉思莊生達晒彼齊
景傷至今孤亭間獨有九日章昔我來齊山山僧
迎道傍騎馬到寺門亂石屹若墻值雨不編歷但
取山泉嘗牧之舊游處苔滑屐莫將却返弄水涯
隔溪望青蒼絕頂見茅屋洪波日湯湯雲霞與鴈
鷺還動秋客腸去逾十五年游宦韓陳梁哀哀邁
禍殃乃再居南方欲往尚未可追吟寄支郎

聞臨淄公薨

至和癸巳十二月予友人語我火犯房芒射鉤鈐
而拂上相予禍非弼臣誰可當昨日聞太宰悟天
道而畏忌予歸卧其第三拜章太宰既不得請而
賜黃金百兩以爲壽予諫官御史猶擊強明年孟
陔臨淄公薨予果然邦國桄棟梁豈無神醫善藥
以起疾予固知稟命有短長公自十三歲而先帝
予謂肖九齡宜相唐後由石渠鳳閣禁林以登樞

兮俄佩相印居廟堂出入藩輔留守兩都兮其民
詠歌盈康莊官爲喉舌勲爵一品兮經筵講義尊
蕭匡年踰順耳不爲天兮文字百卷存謙箱子孫
先先同鷹行二女貴婿富與楊未知歸葬何土鄉
臨川松栢安可忘我爲故吏摧肝腸洒淚作雨春
悲涼精魄其歸於天乎必爲星宿還高張骨肌其
歸於土乎必爲蕙芷不滅香墓碑墓銘誰能盡其
美我爲欲傳萬古須歐陽

吳正仲遺二物詠之

金盞子

鍾傳令公謂之醒酒花

鍾令昔醒酒豫章留此花黃金盞何小白玉碗無
瑕始入吳郎宅還歸楚客家從茲不能醉只恐賣
流霞

疊石

十片寒湖滑千秋白浪根蒼蒼古崖色疊疊老苔
痕欲象巨鼇頂俯當科斗盆唯愁作險說平地起
崑崙

依韻和宣城張主簿見贈

韓子於文章所貴不相侔譬彼古今人同心不同
貌吉從志久慕亦以重名教鳴鍾與享鼎易馱非

苦樂祿仕不及親揚名可爲孝君方佐大邑美錦
同翦鉸遂令吾鄉民綢直無曲橈旣暇乃作詩欲
與前人較朝來忽有贈捧若管窺豹又如捕鯨魚
空自持網罩心降醉且睡昏昏不知覺

送吳正仲婺倅歸梅谿待闕

山水東陽去未去朋親舊嘗謂復朝更無越相逃
名舸猶看吳王送女潮海燕歸齊聲滿屋谿梅開
過子生條明年十月吏迎處十里灘前棹奏簫

再送正仲

擬君杜鵑花發當杜鵑時朱袍照白日光彩生路
岐自比青鼠爪中心如亂絲絲亂復不理况復遠
別離傾觴恨不深立馬恨不遲千山從此隔三歲
或前期爾後各寄書空識滿紙辭非如笑言樂但
有牽懷悲念昔蘇與李徘徊問何之

鐵獺新買小馬也

朝乘鐵獺上青山最滑春苔亂石間出入白雲勝
蠟履玉驄雖貴未應閑

送回上人

因往湖州
謁吳正仲

雲出任西東飄然意莫窮山川生眼界巾舄徧區
中去去曾無着勞勞本是空梅谿人可見重爾似

泓公

送徐絳秘校罷涇尉而歸

去年茶熟君得補今來茶熟君已去心曾不計茶
有無隼在高風自騰翥昨日我送吳侯歸未忍重
臨離別處不若群公憐襴衡相逐縱橫唯柳絮
志來上人寄示醑醑花并馱塲茶有感

京都三月醑醑開高架交垂自爲洞素葉層層紫
蓋香釀歸光祿春生甕東陌西池走鈿車芳林廣
囿飛朱鞵二年不到大梁城江邊淚滴肝腸痛況
茲齒髮漸衰老已是憂愁不如衆宣城北寺來上

人獨有一叢盤嫩蕝去歲遊吳求不得今朝還喜
自持送眼底雖同往日看樽前所憶皆成夢又置
新茶采雨前鳥觜墜塲雲色弄對花却酒煮香泉
強詠才慙非白鳳

聞鶯

最好聲音最好聽似調歌舌更可嚀高枝拋過低
枝立金羽脩眉墨染翎

杜鵑

蜀帝何年魄千春化杜鵑不如歸去語亦自古來
傳月樹啼方急山房客未眠還將口中血滴向野

花鮮

依韻和李察推留別

我學猶肥腴一食輒易馱君何以名虛每來車馬
淹經術素所淺道義安得漸獨有寒苦吟可與前
古兼今者抱悲哀憔悴居窮閭愁鳴無好音亟別
空顧瞻詩言留彼美欲和慙無鹽短兵當長戈焉
得不盡殲又如握枯蒿逆風乘烈炎膏盲靡自療
誰復望針砭

送李節推挈內歸寧池陽并李察推往南
康軍嫁妹二君同行

江上雙畫舸風帆或先後晚共泊蘆洲欣同苜蓿中
友一過長風沙一住貴池口當時驄馬客今是憑
熊守每憐諸女賢與婿來爲壽上去至南康嫁妹
事箕箒不畏楊瀾險不爲廬峯秀二君情義著我
送何湏酒

新開墾路

古徑約城斜鋤荒可過車直穿深篠去不比繞村
賒伐樹侵籬脚裨塍掘澗沙欲爲蘭若處松栢屬
吾家

送鄒秀才游浙

鞍傍帶鞞魚皮鞘馬後攜童越葛衫度水緣山君
底急區區爲荅古千巖

四月三日張十遺牡丹二朵
已過穀雨十六日猶見牡丹開淺紅魯不爭先及
春早能陪芍藥到薰風

依韻和唐彦猷華蓋寺詩

顧亭林

顧亭林在東南三十五里湖
南又有顧亭林傳是顧野王居

鄉林空林木不見古人居猶尋古人跡更與古人
踈昔爲賢豪里本作魑魅墟湖邊夜夜月光彩波
上餘

寒穴

金山有寒穴
出泉甘清

山頭寒泉穴淨若鏡面平熨齒敲冰冷貯餅微玉
聲傍有野鹿跡上啼林鳥清何由一往挹況復方
病醒

吳王獵場

在華亭谷東今
其地爲桑陸

孫氏有吳國四海未息戈獵以耀威武平野萬騎
羅英雄魏與蜀貔虎一何多世事異莫究但見桑
麻坡

柘湖

在南七十里吳越春秋海鹽縣淪沒爲柘湖
吳地記秦時有女子入湖爲神今存其祠

柘土久陷沒千歲嗟水濱不復吳鹽邑空有秦女

神浩蕩吞海日曠闊迷天津扁舟誰能往旦暮逢
漁人

秦始皇馳道在崑山南四里
有大通吳成

秦帝觀滄海勞人何得脩石橋虹霓斷馳道鹿麋
遊車轍久已沒馬迹亦無留驪山寶衣盡萬古空
冢丘

陸瑁養魚池在縣西令各瑁湖
云陸瑁所居也

來觀瑁湖水乃是陸生居春塘草幾變誰贈此中
魚莫容科斗應亦有魯王餘不隨蛟龍飛神鱉未
可除

華亭谷在縣紫紆三
百里入松江

斷岸三百里紫帶松江流深非桃花源自有漁者
舟閑意見水鳥日共泛觥籌何當騎鯨魚一去幾
千秋

陸機宅華亭谷水東有崑山即其宅機
詩云芳巖谷陽水卷戀崑山陰

我思陸平原廢宅荒草深才高乃速禍事往不可
箴飢鳥噪樹顛野鼠窟庭陰黃耳亦已死家書無
復尋

崑山華亭谷東二里有崑山陸機祖葬而
生機雲人以崑山出玉以擬其美焉

陸氏幾世祖葬此生令名猶如產美璞遂爾傳嘉

聲寒巖畜奇秀源水日東傾何言千載間二子不更生

三女岡

在東南八十里云是吳王葬女為三岡

吳王葬三女因留此岡名已化被粲質合有蘭蕙生嬋娟夜月照晻藹朝霧平古鬼如未泯不遠闔閭城

李獻甫於南海魏侍郎得椰子見遺

魏公番禺歸逢子蕪江口贈以越王頭還同月支首割解為飲器津漿若美酒戒獨愧先生饌致崇師友應知愈飢渴况是懷思久

齊民要術云其俗為之越王頭

時魚

四月時魚連浪花漁舟出沒浪為家甘肥不入苦師口一把銅錢趁槩牙

烏賊魚

黃馬二君餉

海若有醜魚烏圖有烏賊腹膏為飯囊萬昌貯飲墨出沒上下波馱飲吳越食爛腸夾雕蚶隨貢入中國中國捨肥羊啗此亦不惑

依韻和行之枇杷

予送紅梅與之

五月枇杷黃似橘誰思荔枝同此時嘉名已著上林賦却恨紅梅未有詩

送紅梅行之有詩依其韻和

綴綴紅梅肥似蠟濛濛飛雨洒如脂吳郎齒軟食
不得翻憶張公大谷梨

送王宗望罷宣城尉歸京

南土梅已黃北人舟競發去意方若渴望林殊未
歇言歸向梁宋獨歎滯楚越行聞拜鄉舊恩下蒼
龍闕

寄題南陵息亭菜閣

竹裏有清館池中多藕花日光穿岸脚水影射蒼
牙柱穴蜂歸響爐檀火過窠已知民訟息漉酒費

巾紗

讀問月

我讀李白問月詩乃知白也心太癡明月在上爾
在下月行豈獨君相隨白兔搗藥亦何療嫦娥孤
棲欲嫁誰古人今人被磨滅休問有來都幾時唯
有表照金樽裏此言萬世不可移但能自醉月自
落夜夜如此誰復疑一月二十二三日半是風雨
相乖離常願清明對以飲耳邊流水勝鳴絲

五月十日雨中飲

梅天下梅雨綏綏如亂絲梅生獨抱愁四顧無與

期妻孥解我意草草陳酒卮檻外百竿竹新筍高
過之竹色入我酒變作青瑠璃一飲眼目光再飲
言語遲三飲頽然兀左右歎我衰有鳥從東來引
頭闖深枝發聲醒我醉提壺美無疑典衣不直錢
唯是布與絺安得如古人車傍挂鷓夷

次韻和吳季野游山寺登望文春山山屬宣城

楚客好山水五月上高峯峯頂望文春草樹皆有
容身既近猿鳥心欲追喬松石壁出雲背苔磴千
萬重下視霹靂飛忽起枯株龍却還僧居宿暮踐
樵子蹤作詩留粉堦削蔓爲我封美璞世未識獨

令和氏逢

宛陵先生文集卷第四十四

宛陵先生文集目錄卷第四十五

五月十七日夜夢

和題岳上人澄心亭

和馬都官溪橋

寄隱靜賢長老

和馬都官苦熱

歷陽過杜挺之

和公疎送嶼師

和示擇之盧氏石詩

逢曾子固

真州東園

行吟

僧子思以卷來見

和許待制竹拄杖

遇畫工來嵩

省符上人

沈學士知真州

送杜屯田宣倅

閣張學士出書

讀黃秘校卷

許待制歲旦生日

荅宣闈司理

荅鵝湖長老

和曾子進早春

酬和馬都官齊少卿

贈江寧王高士

荅蕭少府卷

荅孫都官卷

和王司封荅卷

王高士歸建業

呂寺丞家膳

趙秘校見訪

荅張令卷

和荅王學士見寄

和孫浦二都官

聽張令彈琴

走筆送王琪

宣司理餉蒸鵝

目錄終

宛陵先生文集卷第四十五

五月十七日四鼓夢與獮人在宮庭謝恩

至尊令小黄門宣諭曰今日社與卿喜此

佳辰便可作詩進來枕上口占

同謁未央殿共霑明主恩冕旒親日月蹈舞荷乾

坤龍尾三重峻螭頭幾級尊德音欣社日撫語走

黃門陰會比如實陽開不復存空餘破窻月流影

到東垠

次韻和吳季野題岳上人澄心亭

空山舊逕綠苔滿古寺齋盂白薤蒸暑雨坐中飛

漠漠野泉林外落層層從來勝絕皆離俗未有幽
深不屬僧唯愛溪頭一尋來莫聞流浪莫聞澄

次韻和馬都官宛溪浮橋

在昔當陽侯建橋臨大川洪波不為阻馳道南北
連何此小溪上擬象坦其羊馬頭分未欄水底裁
碧天白雨緊大竿斷虹生橫舷游魚不可見車騎

又臨淵

寄隱靜山懷賢長老

山有枇杷樹樹多狝猴群高僧心不着一似五峯
雲隨颺來溪口石上起氤氳果熟狝猴去自向瀑

澗分

次韻和馬都官苦熱

日光亭午時赫若鎔黃金鳴鳶不生風流雲不成
陰赤地有焦土烈野無沃霖涸潭深幽幽枯嶽高
岑岑火龍將焚鬣陽鳥多渴心肌膚非木石絺綌
煩衣襟水盤不可見空對瓊玖吟

歷陽過杜挺之遂約同入汴

滄海瀉玉自外天牛斗傍邊客正迴人說維摩居
士病我同王子雪舟來汀沙沮如潮新落山日曛
矇霧始開去約河隄春柳動與君吹紫步徘徊

和胡公踈送嶼師移居寶光寺

宋日天王寺梁時太子園地猶隨世變物豈與人
存欲問移居意還應避俗喧相期唯有月夜夜在
高原

胡公踈示祖擇之盧氏石詩和之

盧肇家

袁州太守蓬山客來過盧家尋怪石盧家百物今
已空唯石難移留舊蹟埋沒尚存三四分雨淋日
多如斲散太守惻然呼僮兒荷鋤秉鍤爭來役徒
兒掘土不為堅旋旋剗沙見圭隙漸竒漸異人忘
勞更索更深知幾尺瘦峯削出高華骨虛空鑿破

蛟螭額千指曳繩車四輪擊鼓助力歸東陌東陌
東頭湖水傍黃泥洗盡何蒼碧故宅愈冷東湖喧
貴賤競觀無礙隔太守自憐堅直心愛少憎多屢
遭謫南至蒼梧及桂林名山徧訪無窮僻所宜厭
慣不入眼向此歌吟尤愛惜我思求外滁陽時大
誇古翠菱溪獲作詩遠寄予與蘇高唱相隨無節
拍今知賢人趣向同玩好託情忘俗格建康從事
胡公踈一見詫君如李白雄才落筆瀉天河綴韻
孤清仍險窄入探虎穴誰為難辭通造化方能敵
殿後吾雖膽力強獨鞭疲馬終無益

逢曾子固

前出秦淮來舫尾偶攬鷺遽傳曾子固願欲一相
見順風吹長帆舉手但慕羨揚子東園頭下馬情
眷眷昔始知子文今始識子面吐辭亦何嚴白晝
忽飛霰我病不飲酒烹茶又非善冷坐對寒流蕭
然未知倦

真州東園

國賦有常計計者豈不賢日夜疲精神自鑿膏火
前新春力有餘鋤荒東乳偏壘土以起榭掘沼以
秋蓮竹栢為冬榮桃李為春妍役役吳楚艘來泊
常留連下江忘其險入漕忘其邁許公作此意吾
亦見其權不獨利於己願書棠樹篇

行吟

持轡趨代北安意希名馬代北馬如雲由來重取
舍王官待才能高下不苟且行都未脩筋黃金誰
變瓦吾當保吾真甘歸事田野

冥蟻橋林下正在結實時附緣與出入安可責於
斯養大不問細使遠不問遲遠必有報細大必
有期休哉秦龍氏終自辨蛟螭

僧子思以卷來見

明珠與翡翠中國反好之詩書出鄒魯誦學無蠻
夷服彼而習此養駢安問犁古者耕釣士處心殊
處卑譬彼乃可語吾病強扶持

依韻和揚州許待制竹拄杖

楚竹翦霜叢何慙漢使筇鳩形殊用刻馬箠不同
功挺特生難變支離分已窮輕肥思比鶴短髮任
如蓬倚以為高趣持之見素風步郊聊實下行樂
偶從東屢刺莓苔破深穿苑圃通辯繁時畫地默
意或書空古血有湘跡舊林無阮蹤將渠誰覺老
要此豈關慵莫駭傾巢鳥須虞蠹穴蟲誰能求道

術跨作上天龍

遇畫工來嵩

朝來又入揚州郭千萬中人識者誰唯有來嵩曾
畫我依稀見似昔年時

省符上人

春秋一萬八千字不間吳人楚人事佛衣儒談世
已罕節行又與其徒異往來揚州三十年曾見華
堂荆棘地獨聞依舊坐焚香尚把殘編討遺意

沈學士景休知真州

太守旛旗近國門州民迎望若雲屯家風自有東

陽詠主道新移北海罇紅錦臂鞞觀粉質塗金珂
勒駕朱軒他時儻取春秋對莫以周襄出鄭論

送杜君懿屯田通判宣州

京兆外郎稱善書當時相與集江都日書藤紙筆
持去長鈎細畫如珊瑚自茲乖隔三十載始駕吾
卿別乘車吾卿素誇紫毫筆因我又加蒼鼠鬚最
先賞愛杜丞相中間喜用蔡君謨爾後做傳無限
數州符縣板仍抹塗鼠雖可殺不易得貓口奪之
煩叱驅若君字大筆亦大穿墉瑣質無長規君到
官治事除乎諸葛試問渠

張聖民學士出

御書并法帖共閱之

又二軸蘇子美書杜懿病馬

冰膠楚舸歲將窮廣陵別乘憐老翁殷勤來邀強
一往虛堂看酒羅甘豐我病胃寒不下咽七筋謾
舉叨席中主人欲客心意歡出以飛帛騰龍鸞刑
政二字布楷法古今書帖未足觀坐間杜子好弄
筆詆譏前輩無全完一見寶蹤天下妙稽首贊仰
舌吻乾如此別識已太險我不頌詠還應難

讀黃莘秘校卷

嵇康昔彈廣陵散商聲高與宮聲緩託名山鬼未

傳人古桐紉絲絲不斷一聞殭臥竊其音世間雖
得能亦罕賢明以之知盛衰愚昧以之為妄誕頃
年過我在蕪城忽聽長拍去欲懶鳳凰養雛飛未
高雞鶩成群翅終短龍章秀骨苦輕時繼作五絃
須欸欸

贈許待制歲旦生旦

天曆重更端哲人茲命世嘗聞月旦評况是高陽
裔林花作壽杯爆火通鑪桂穹龜及蒼鶴尚以千
年係曰惟五行秀復與明時契他日求老成不須
從渭汭

答宣闈司理

義趣深傳訓或得失後人語雖淺辨識猶百
一歐陽最知我初時且尚窒比以為橄欖理甘始
稱逆老於文學人尚不即究悉宜乎與世士橫爾
遭詬啣誓將默無言負暄方抱膝非非孰是是都莫
荅問詰歲暮宣叅軍辭如鮑昭逸粲然傾明珠裛
我頗過實便言楚江萍光彩倂旭日自煎流浪蹤
不得蒿芥匹復為苦硬句酬報強把筆

答鷺湖長老紹元示太玄圖

鷺湖有鷺吾不問鷺湖無鷺吾不疑道士須換黃

庭經釋子自明太玄辭噫嘻兮此意迥與山陰別
我亦曾非逸少為

新韻曾子進早春

新雷歲旦發聲嚴水管寒銷細滴簷花甲將看枝
上拆蛇鱗不復地中潛黃河分派來應早白首歸
朝意自恬強欲擬君為秀句便無才思似江淹

依韻和馬都官齊少卿酬和

同時沈宋稱二豪曾說龍門奪錦袍我對前流接
清唱泰山輕重於鴻毛

贈江寧王高士

自古江南風俗羨喜君高趣暮先賢藥無遠近
論報家有圖書不計錢已住秦淮借風月遍尋吳
國舊山川塵纓我繫未能解每一來過駐畫船

答蕭淵少府卷

君先大夫臨終時夢中嘗賦曉寒歌騎龍跨魚不
是誕直對上帝傳吟哦才如李賀天亦少宜其在
世尤難多文章父子不相似君今平易祖龍衣那錮
鐵錦聚各有用高下安得與等科大都精意與俗
近筆力驅駕能逶迤野雉五色且非鳳知時善鳴
雞若何

答孫直言都官卷

具深相割啗不如無勇人以詩而酬詩徒用多少
均我言雖至簡意切誰見親汲井欲到深磨鑑欲
盡塵寰泉與青銅光潔靡故新臨觴報嘉貺醉語
是天真

依韻王司封寶臣答卷

王家再見仲宣詩魚目盈車換斗幾自愧不從靈
蚌吐誰教相並夜蟾飛暫增光價千金重終覺枯
陳一芥微已屈至珍來彈雀恩地銜報此能希

高士王君歸建業

風雨起春寒乘潮曉帆送目看山步雲心近茅家
洞忽覺柳已青來時枝尚凍羨爾向江南正開新
釀甕

呂寺丞家膳

春雨薄無泥野苗青入俎深堂開畫圖飛鳥驚寒
渚名筆今寂寞嘉賓競推許主人何太勤不異具
雞黍

趙秘校見訪

文學儒家子儒本通天人蟪蛄尚先喜吾黨何迷
津津亭一相過不笑復不頻應此識恬泊曾匪慢

爾賓

答張令卷

嘗聞甥似舅似舅詩尤少古意得河源新聲變春
鳥讀之不敢倦十未能一曉顛倒文字間使吾心
擾擾

依韻答秦州王道粹學士見寄

君同黃鵠游海嶠我學白雲歸帝鄉已變健翅自
鼓舞誰怜孤影猶飄揚安得相從在霄漢于今留
滯嗟縶韁欲隨輕風挹君袂滿野春雨生迷茫

依韻和孫浦二都官展墓由大明精舍而歸

新松煙翠入衣巾雨後岡原不起塵霜露悲懷今
正切曾非結客去尋春

拜墮忽生寒食心應緣春入感啼禽淚沾宿草根
仍凍馬立荒沙跡已深野老輟耕風料峭山房開
晝日陰森婦鞍却望原頭路幕歷輕煙物景沉

張聖民席上聽張令彈琴

一聽履霜霜滿足再聽綠水聲綠谷我行日月
春波嫩苔沙雨侵魚目漁歌晚唱泛水來天浸滄
浪光可掬坐中此意自絃生中郎五弄人難熟人
知難熟獨善彈彈拍未終脂駕速鄭衛古來多喜

聞卒章為我歌淇澳時聖民赴齊少卿家會

走筆送王琪

江南二月草青青送子歸時已滿汀誰信而今有忠義祇知七日哭秦庭

宣司理餉美鵝

昔年相國籠之贈全日參軍饗以蒸一咀肥甘酬短句定應無復謗言興

宛陵先生文集卷第四十五

宛陵先生文集目錄卷第四十六

和許待制春雪 送廣西潘提刑

大明寺平山堂 和王平甫見寄

和丁元珍見寄 王學士寄車螯

席上賦紅梅 平山堂雜言

自感 和河上寫望

和試筆偶書 和民朝謁建隆寺

和許待制宴賓 和許待制偶書

闔思 代寄王學士

和許待制病起偶書 依韻和新栽竹

和戲題

和春日偶書

和禁煙近事之什

和春日見示

和偶書相留賈

讀邵不疑卷

送寧鄉令張沈

和許待制送行

和不疑見答

贈張伯益

和不疑烹茶觀畫

和不疑冷淘會

獨酌偶作

答杜挺之遺鮑魚乾

目錄終

宛陵先生文集卷第四十六

依韻和許待制春雪

密雪犯陽和寒階覆短莎
條牙摧不展鳥舌噤應
多變今已為失易消如未
苛桃花禹門水早晚見
通波

送廣西提刑潘比部

伯恭

白麻新拜大丞相黃紙首
除南省郎欲使平刑安
遠俗莫辭乘傳歷炎荒
桂林地險通椎髻陽朔
峯奇削劍益自有王門
舊勳業且須稀作上書
囊

大明寺平山堂

陸羽烹茶處為堂備宴娛岡形來自蜀山色去連
吳毫髮開明鏡陰晴改畫圖翰林能憶否此景大
梁無

依韻和王平甫見寄

尊王興霸國古莫重齊桓仲尼書大法亦莫重更
端文章革浮澆近世無如韓健筆走霹靂龍蛇奮
潛蟠颶風何端倪鼓蕩巨浸瀾明珠及百怪容畜
知曠寬其後漸衰微餘孽猶未彈我朝三四公合
力興憤歎幸時構明堂願為楹與藥期琢宗廟器
願備次玉珥謝公唱西都子預歐尹觀乃復元和

盛一變誰為難行將三十載衣被劇織紈後生喜
成功往往舞朱干君家兄弟賢挺拔尤堅完譬彼
登泰山孰辨雲徑盤忽在高高巔兩腋猶插翰我
父知子名曾未接子驩前者和君詩薄言慙兒肝
淮南喜子來袖刺字未漫明日聞渡江留書特相
安今又獲嘉辭至味非鹹酸

依韻和丁元珍見寄

我從江南來挂席江上正輕舟自行速不與風力
競乃省少時學強勉無佳興初如弄機杼未解布
絲經利器昧其持或反授人柄及親賢豪游所尚

志已定不厭朝市喧不須山林靜不爲煦煦妍不
爲嚴嚴冰遇物理自暢區處劇操令仍類楚野筠
忽從孤根迸便成翠琅玕久與風霜硬雖然達吾
真誰復究畢竟世間忘坦途盡欲求密徑哂我是
踈直乎今踳踳踳誠可嗟所偶亦已併晚逢
二三友喜飲恨多病道路何遭迴季秋越春孟平
生景慕者邂逅出天幸接迹猶謂榮況此聲顏並
實慙寡時用又顧無竒行愛之不忍去自曰還至
暝在昔濁世賢徒知清酒聖但用醉爲娛一老少
不更稍思桃源人翻爾乘漁艇尋花逐水往豈念

衰與乘歌謳非俗情山響自荅應以此謝君勤微
言期略聽衮衮不足爲試共幽人評

泰州王學士寄車螯蛤蜊

車螯與月蛤寄自海陵郡謂我抱餘醒江都多美
醞老來飲不滿一醉已關分甘鮮雖所嗜易飲亦
莫問嬌女巧收殼燕脂合眉暈貧奩無金玉狼藉
生恚忿妻孥喜食之婢妾困埽拚行當至京華耳
目飽塵食此味爽口難書爲賦者訓

張聖民席上賦紅梅

吾家有嘉樹紅藥開朝霧笑杏少清香鄙梅多俗

趣江都別乘居似見向溪園坐中勿苦疑結子看
春暮

平山堂雜言

蕪城之北大明寺闢堂高爽趣廣而意厖歐陽公
經始曰平山山之迤邐蒼翠隔大江天清日明了
了見峰嶺已勝謝眺齷齷遠視於一窓亦笑煬帝
造樓摘星放螢火錦帆落檣旗建杠我今乃來偶
同二三友得句欲霜鍾撞却思公之文字世莫雙
舉酒一使長咽慢朮高揭鼓笛腔萬古有作心胸
降

自感

左目忽昏花愁心亂劇麻文書都莫見藥物近憑
他眸子終何似形軀且願嘉唯期一開泰再望日
中鴉

我不嫌髭白白髭何自落雖然失醜衰將恐日踈
薄有生無不老歲事看秋籜一身憂已大毫髮誰
能度

二月二十八日

依韻和孫都官河上寫望

河上風煙愛此邦吳艘越舸不相降魚鯉直直橋
邊市花暗深深竹裏窓踈踈漸知寒食近鞦韆將

立小鬟雙年光取次須偷賞何用功名節與幢

依韻和試筆偶書

洗硯開書几拈毫喜子巢不為微物撓自向小欄
敲已逐游絲末還緣翠葉梢因知生理大不必在
重文

和張民朝謁建隆寺二次用寫聖試筆韻

荒臺殘壘舊名邦曾說王師此受降西漢衣冠拜
原廟五天龍象護經牕蜀岡井味人猶品隋帝宮
基闕尚覆自古興亡不須問風鈴閑聽響幡幢
躍馬侵星去啼鴉未出巢春裘風易裂從騎鐙相

敲紅日雙行柳黃金一林梢乾坤功力大默誦易

中文

依韻和許待制後園宴賓

春來無處不幽芳誰復樽前歎異鄉繞榻綺羅觀
舊艷傍池桃杏照新粧柳條拂拂牽絲嫩藥粉輕
輕落酒香聞道主公偏愛客翻思當日醉莎場碗

城頭有莎場臨湍
公每飲於其間

依韻和許待制偶書

曉雨射船珠瀉盤平明水上舞英殘闔雞蹠惡輕
泥濕調馬蹄翻軟土乾深屋鷺巢將欲補密房蚕

蟻尚憂寒爲言楚客甘蕪歎白芷香牙長嫩珊

閨思

望日赤如橘游梁音信稀愁心常似醉春絮等閑
飛江鱖看將爛芹牙吐尚微何時憑鸞子寄取錦
書歸

代書寄王道粹學士

已具扁舟訪使君忽逢春雨起淮濱花寒蛺蝶猶
相守水冷鴛鴦不暫分况約他時來寄蹟何須今
日去論文解裝無復山陰興且對荆釵與布裙

依韻和許待制病起偶書

桐柳陰陰翠色參幔房深邃靜於巖疾疑不是因
蛇影方秘曾傳白玉函煉蜜有時蜂競至墜羶無
數蟻來啣女奚困觸屏風響林鳥飢羣蠹木鷓趨
吏喜聞開便閣舞姬排北翦春衫嘉賓入幙金樽
抹賀客衝風席帽攬談出古人非騁辯詩陳王化
不言讓提綱勿用銖銖較列局緣從物物監龍腦
篆香盤石曲虎頭彫枕剔空嵌年踰五十惟耽易
能格神明莫若誠

依韻和新栽竹

斲破煙叢帶筍移映軒臨檻特爲宜龍孫已見多

奇節鳳實新生入翠枝不向阮家林下集還思渭
北水邊窺一花一草公休詠慣作蘭臺待從詩

依韻和戲題

楊州太守重交情我欲西歸未得行寒食尚賒花
水近妻孥煎去到天明

依韻和春日偶書

甕面春醅豎嫩藍盤中鵝角亦肥甘正宜醉夢輕
爲蝶苦怕酬詩密似蠶病起羊公方隱几歸來陶
令只乘籃河堤古木欣欣暗野水新秧拍拍奔已
向官資隨分足莫將忠憤等閑談況於世上諸般

獸不作人間一例貪陋巷自知當退縮擁門誰解
更趨叅高低趣向難爲合冷暖情懷固飽諳勉意
妻兒猶苟祿強顏冠冕未抽簪唯公恩遇留連久
頻對樽壘也負慙

依韻和禁煙近事之什

狂風暴雨已頻過近水棠梨着未多窈窕踏歌相
把袂輕浮賭勝各飛墻閑牽白日游絲颺細鷦黃
金舞帶拖小苑芳菲花鬪藥華堂嘲哢鷺爭窠西
州駿馬頭如剝南國佳人頸似瑳結客追隨傾盡
榼分朋游樂藉青莎鞦韆競打遺鈿翠芍藥將開

翦纈羅我病乞求新火炙無心更聽竹枝歌

依韻和春日見示

春雨懶從年少狂一生憔悴爲詩忙不能屑屑隨
時輩亦恥區區憶故鄉白玉笛聲親府席六么花
拍動衣香龍咽嘹唳留行月鳳翼趨蹌巧定場粉
色酒容歡四座花光燭影照西墻虛榮浪貴知多
少安得如君展肺腸

依韻和偶書相留

在昔有言無不讎故於嘉詠豈宜休出奇吳國將
能戰探隱漢宮人戲闖吹笛夢來猶記曲愛歌老

去夫忘謳車中變服爲秦客頭上南冠學楚囚日
求歡呼遺搏齒夜深談論廢更籌海陵已有從游
約今欲西歸且榜舟

讀邵不疑學士詩卷杜挺之忽來因出示
之且伏高致輒書一時之語以奉呈

作詩無古今唯造平淡難譬身有兩目瞭然瞻視
端邵南有遺風源流應未殫所得六十章小大珠
落盤光彩若明月射我枕席寒含香視草郎下馬
一借觀既觀坐長歎復想李杜韓願執戈與戟生
死事將壇

送寧鄉令張沆

長沙過洞庭水泊風搖石青山接夷蠻白晝鳴鴉
鷄竹存帝女啼夔學林雍鑿不嫌卑濕往教令民
須聽

依許待制送行詩韻詠鷺以寄

江鷺銜泥日深堂拂玉琴不教開閣戶乃見主人
心掠水飛殊捷迎風去已禁短書猶可記聊影託
微吟

依韻和酬邵不疑見答

君才若巨賈既富仍深藏遂兼碌碌貧共處安可

量滔滔大澤陂渺漫入幽荒徒欲窮端倪憑高何
相望一日以文繡被此糞土墻門徒三千人起予
唯卜商薄言昧纖悉懷憂思萱忘美璞委彫琢以
未知我詳但念故時朋所樂來遠方慎勿以名使
取敗非相當

贈張伯益

張伯益風義自足常遊遨醉彈琵琶聲嘈嘈雷車
急輓蛟龍號曲終放撥解紫絛勇氣索筆作小篆
李斯復出秦碑高不數宣王石鼓文快健欲敵橫
磨刀奕棋絲桐且置之衆善多取精神勞

依韻和邵不疑以雨止烹茶觀畫聽琴之
會

彈琴閱古畫
煮茗仍有期
一夕風雨來
目喜農畝
滋中河不阻
漑舟楫亦所
宜況聞新疾
愈當與嗜
好睽何須顧
小約豈不有
他時淡泊全
精神老氏
吾將師幸因
荅來章敢不
以此咨此咨
有深理願
君勤且思

依韻和不疑寄杜挺之以病雨止冷淘會

邵杜二良守
相逢欲沾醉
促膝一開顏
袞袞言有味
或嘆季路宜
或語伯夷是
各懷忠義心
要終肯
同異我實
具身政治未
使試預茲高
古談儒志
生勇氣明當
饌湯餅疾雨
晦天地一日
不見君何
止如三歲口
腹尚乖期榮
華可推類嗟
嗟勿復問
安恬固無媿

獨酌偶作

東路歸梁懶
黃流下汴深
眼穿南去翼
耳冷北來
音風雨昏斜
日乾坤入醉
吟不憂貧且
老自有伯
鸞心

荅杜挺之遺鰲魚乾

百年蠹柳根
半浮揭屋顛
風吹欲倒寸
步泥深登

岸難鯁乾助飲隣船老

宛陵先生文集卷第四十六

宛陵先生文集目錄卷第四十七

觀邵不疑名畫

懷杜挺之

絕句五首

李轉運示卷

觀書

書二客

留別李學士

過山陽智洪房

淮陰侯

淮上遇風

宿洪澤

泗州郡圃四照堂

泗守弼北園

和淮上相遇

泗州觀唐氏書

得千葉樓子芍藥

併得酪及櫻桃

阻淺挺之平甫來飲

和表臣奎野亭

和表臣先春亭

和河南庾署西軒

和表臣見贈

和表臣聞諸友飲

表臣惠蜀笈砚池

和阻水見勉

聞宣叔挺之園基

五情篇

釋悶

釋滯

和憶竹園山寺

和晨起見贈

李秘丞遺川綫粉紙

錢推官遺紗帽

和表臣惠醞

閱表臣畫而飲

寄送許待制知越

和王司封感懷

赴表臣會呈挺之

醉中和王平甫

將解舟呈表臣

答再和

非意篇呈表臣

和錢推官見寄

答宣叔行舟相隔

力漕篇呈王發運

唐店寄錢推官

徒步訪李宣叔

答高判官

目錄終

宛陵先生文集卷第四十七

觀邵不疑學士所藏名書古畫

野性好書畫無力能自致每遇高趣人常許出以

視邵侯多奇玩留我特開筭首觀阮與杜驢上暝

目醉阮籍韓幹貌四馬臨流解鞍轡花驄照夜白

正側各畜意繫衣穿袴靴坐立皆厩吏精神宛如

生于腮復穿鼻梅雞徐熙花竹間寒雀睡逸少自

寫真對鏡絕相類數本失姓名古胡并老驥山水

樹石硬荆關藝能至荆浩巨然李成者落筆愈奇

異人物張僧繇雖傳恐非是其餘又莫究模塔似

未備周秦已來書行草楷篆隸聲名舊烜赫一
果可喜邵侯愛我曹咸使紙尾記况侯有古學小
字刻琅翠各贈墨本歸懷寶誰肯忘

先至山陽懷杜挺之

與君同川途舟發偶後先順風吹我帆已過飛鳥
前寄聲託飛鳥微意或可傳定逢檣上烏暫向彼
留連薄暮楚城下踟躕問來船

絕句五首

風過已午未肯正酒病嬰我心無慘船頭拍翅野
鷗浴水上擺子獐魚跳

岸邊稚子戲把釣蚯蚓作餌青條長上去下來船
不定自飛自語燕爭忙

夜欲三更飢鼠鬪燈殘一點小星紅村邊坎坎賽
神鼓船底擘擘駕浪風

葑田青灰博弈局島樹墨楹煙雨圖已去揚州百
餘里回頭還隔幾重湖

蝦蟇噴沫爲科斗螺贏銜蟲化細腰蠹穴荒陂有
多少乾風濕雨各飛跳

淮南轉運李學士君錫示卷

李氏世能詩落落爲時豪漢陵唐太白始覓二雅

高益端正封賀才各傾吳濤于今幾代孫手持切
玉刀功利既及民又將薄風騷示我照乘珠光彩
生褐袍曾非貧家有懷歸徒增勞神物必難秘恐
隨風雨逃
觀王氏書
先觀雍姬舞六么妍葩發艷春風搖舞罷英英書
大字玉指握管濃雲飄風馳雨驟起變怪文鯨書
飛明珠跳席客聚立驚且歎筆何勁健人柔天昔
時裴旻能劍舞丹青助氣精神超藝雖不同意有
會世事相假非一朝

書二客論呈李君錫學士

我慕杜挺之磊落高世談又愛王平甫才雄天馬
駢二人相議評最重李淮南踈踈文館彥委曲部
政諳能蘇煮海民變使供租甘雖持使者權不作
自暴蠶諄諄無威傲雍雍激廉貪書戒易滿人縱
愚須起慙始時邊海鹽亭民常官逋其錢往往給腐米爲
直弃之而去浸久亭民無本多逃者今俾中戶
就邑納租給亭民
乃大利逃者復還

留別李君錫學士

淮南尚喜風流在客有殷勤載酒過不醉不歸情
可見相看相笑意如何瞭眸自解持高論長頸稀

逢缺善歌舊愛陽關亦休唱西還從此故人多

過山陽水陸院智洪上人房

有蘇子美墨蹟

十載七來此每嗟多異今池灰休辨劫川月解明
心遺墨悲蘇倩高情想遁林能閑常似舊翹立水
邊禽

淮陰侯

功既高天下身何不自防已能成漢業無復假齊
王復耻膾為伍安知呂所忘空名流未竭淮水共
湯湯

閏三月八日淮上遇風杜挺之先至洪澤

遣人來迎

曉出淮口時夜來風已止半路逢怒濤客心愁欲
死忠信雖可仗魚鼈將異此但慕前行舟漸入孤
汶裏猶能有餘力遣助良可喜

宿洪澤

舟子起添纜夜潮同雨來寒聲相亂急遠夢自然
迴水鳥鳴還睡風燈暗復開宦游常作客未息為
貧催

泗州郡圃四照堂

官艦客艚滿淮汴車馳馬驟無閑時豈有餘力事

棟宇後園荒草長
離離朱侯下車百職舉亦治宴
豆頻游嬉梁冠爵弁各得禮
道路溢譽亡高卑因隙作堂名
四照虛光轉納娥與羲面面懸
牕夾花藥春英秋蓋冬竹枝射
棚寬闊習武事鏡沼清淺吹文漪
侯之此意寧自樂吏情勞士俱忘
疲後來出口勤洒掃莫作甌埒生
蒿藜

泗守朱表臣都官初北園

樹藝北壕上直對高城陰
使君朱輪來歌管樽酒深
風雷生淮雨雲物冒楚岑
戰舫習追逐飛凌捷水禽不
獨耳目觀乃見預禦心事閑
賓從樂景美

臺榭臨今人忘羈旅洒慮起微吟

依韻和誠之淮上相遇

一別逋翁久不逢亦知諸葛卧龍中
幾年三致千金富今日重追二謝風
形槁已能同散木鬢霜從聽看寒蓬
飛光入酒舊時月來炤狂歌猶未窮

泗州觀唐氏書

唐氏能書十載聞誰教精絕向紅裙
百金買書蒲葵扇不必更求王右軍

同朱表臣及諸君游樊氏園

五年前上去乃從許公過舊物此君在
後生新筍

多朱櫻繁且熟黃鳥鳴仍歌一一如當日乘高奈
興何

七里灣得朱表臣寄千葉樓子薑子芍藥
誰稱爲近侍宜與牡丹尊霞綵千千葉香撩黯黯
冤紅樓思俠少寶髻奉王孫賸插不堪照顏衰汗
水渾

併日得朱表臣酪及櫻桃

昨日酪將熟今朝櫻可餐紫莼休定價黃鳥未新
殘甘滑已相羨齒牙仍尚完應知消客熱遠贈益
盈盤

阻淺挺之平甫來飲

泛淮忌水大我行浩以漫泝泝忌水淺我行幾以
乾偶與困滯并將獨爲此難窮堤有來客芬芳可
與言共休綠榆陰置酒聊慰安主人雖倉卒猶得
具甘酸酸漬楚梅青甘摘夏櫻丹引觴吞日光耳
熱不復歎俛仰已陳迹未可忘茲歡誰思費生術
幻惑寧盤桓

依韻和表臣奎野亭

淮光抱城去山翠落樽前魯叟欲浮海楚人休問
天野雲將拂幔水鳥不驚船歷覽誰能賦今聞太

守賢

依韻和表臣先春亭

雜花紅間白遠樹短叅長天近春歸疾城高地易
涼千尋浮遠水五兩動連檣置酒未終樂山煙生
暝隍

和表臣河南庾署西軒

飛鳥欲下蟾生時斜光冷魄常相隨右山左水清
洗目虛簷曲檻生揚眉白魚甘肥網可得公酒美
滑盃可持臨淮使君有閑佚長橋直度來莫遲

依韻和表臣見贈

中間會與別不啻二十年向來君之官我必贈以
篇今過臨淮郡惠好情聯聯訪我車騎都宴我鶯
花然此當舟航衝旅泊逾百千迓高而撫下酒壺
櫃食連使子一日為立可見華顛遠行恐勞君數
里不得前三月汴水淺蹇滯無我先君乃遺我詩
盛稱我為賢比之少陵豪望我何太全又令入時
用目堪事高眠安能事孔聖終學美周宜勤答以
明懷矢辭敢欺天

依韻和表臣聞與挺之宣叔平甫飲

舟淺不能進反羨車馬馳同行各在野有酒相與

期堤上聞禽處桑間落日時使君羊筴贈更飲更
追隨表臣是日送
燕羊筴束

表臣惠蜀笈借玉硯池

蜀笈珉硯池為贈知雅故慙無右軍書亦乏左思
賦環水象辟雍紋花如織素願傳君德政况已聞
行路

表臣以阻水見勉次其韻

野叟津難問賢人酒不空行吟同去國退翼欲乘
風憂已先天下窮方坐井中子生一如此安得免
衰翁

聞宣叔挺之園棊

人以棊銷日我觀棊輒寐未必盡死生何茲較愚
智只將多勝少復取生為利不若酒之賢悠然共
醒醉

情然五城眉妙曲動金絃犀犀推玉鈴鈴龍撥雷軸

翰響急能愈靜意閑情常專主人昔結客一醉百
金捐觀濤來吳都遇我泗水邊夜飲向明月非同

聞隣舩

燕丹未釋闕

燕丹未歸馬未角下子抱玉無兩脚孤城食盡兵
未却度笮中懷挂一索我輩於此酒宜酌百歲千
秋奈何樂不吳憐豈忘四水盡亦復向月日非同
帝在蒼梧妃泣竹蘇武餐毛海西曲窮山遠道車
折軸深井渴汲縵不續我輩於此酒正綠貴無奈
何歡且足

依韻和表臣憶遊竹園山寺
山勢謝公妓竹似阮家林花發日初暖鳥啼春欲
深朱櫻連葉摘綠酒帶醅斟猶想聞歌吹僧房未

暇吟

依韻和挺之晨起見寄

時阻水淺

淺水不堪泛暗灘時激聲晨都望迢迢窮旅思屏
營芳草同誰藉投壺自喚名得君晨起詠遠遠見
交情

李宣叔秘丞遺川牋及粉紙二軸

蜀人擣玉屑楚客調金粉製牋君有贈草疏我無
蘊宜書楊雄辭莫寫屈原憤誰識此意微曾非事
搖吻

錢志道推官遺紗帽

遠贈烏紗帽能無白也詩山花不更挿野客莫驚
窺

次韻和表臣惠符離去歲重醞酒時與杜
挺之李宣叔王平甫飲於阻水仍有筮醬
之遺

贈以榴花酒沉清貴隔年不憂航滯積爲汎盞如
船加品盈盤內無花到眼前還招李杜醉野釀莫
稱賢

表臣齋中閱畫而飲

嘗觀韓幹馬人物亦如生君收四病骨無肉只崢

嶸二匹瘁磨樹二匹縱其情意思若不任千里未
可行古絹蠹已盡彩色無精明歎惜傳至此幾人
金帛輕隋時有名筆獨寫嚴君平猶持杖頭錢罷
肆心莫營魁然中貴人坐榻不知名畫中有畫屏
山石侔天成今時長沙叟獼猴榭林橫疏毛與設
色前代何角爭餘存品雖高我未易敢評主人愈
好事緘筇酒壺傾

寄送許待制知越州

喜公新拜會稽章五月平湖鏡水光菡萏花迎金
板舫葡萄酒瀉玉壺漿雲歸秦望山頭靜雨洗若

耶溪上涼天子不能煩侍從可將吟詠報時康
依韻和王司封離白沙途中感懷

淮雨夜飛氛侵銷星纏歷歷轉隨杓黃童謾對日
如月賈誼休悲鵬似鴉市骨已知求駿馬輜車何
用載田驕不唯忠憤心如此王佐才高賦小鷄

將赴表臣會呈杜挺之

莫怪去遲遲予心君亦知膝前嬌小女眼底寧馨
兒學語渠渠問牽衣步步隨出門雖不遠情愛未
能移

醉中和王平甫用其韻

王瓜未赤方牽蔓李子纔青已近樽我最高年高雜
年少風流還有杜陵孫

將解舟走筆呈表臣

昨夜謳吟瀉春酒今朝波浪下黃河主人不暇忽
忽別爲倩流鶯寄語過

荅再和

舟行纔及二二里已復淺流如凍河君有短書誰
遠寄時因燕子拂檣過

非意篇呈表臣

人言厨傳繁乃是郡久例一日苟不修未免衆吠

卷四十一
晚飽尚誇所興飢必愠不細損之禮漸墮存之禮
未替心莫忽賤微義莫徇貴勢我將取是然敢以
爲君計

依韻和錢深推官見寄

無才不敢學陽秋嗜酒時能問大酋前日偶從河
上飲文章何可並英遊

依韻答宣叔行舟相隔見寄

汴漲濺濺費挽牽輕舟難若上青天只知乘駛及
先去不意遲留落邠邊

力漕篇呈發運王司封密直臣

兵外肢強兵內體壯歛之盡歸歲以多餉東南軸
艫銜尾而上浮江浮淮汴汴之湍汴湍不常水衡
不官惟虞溢毀靡虞舟繫舟繫糧覆糧孰爲足大
計之數萬百惟六帛幣錯貨三倍其穀曰主厥漕
王之蓋臣日憂河涸運智煩神以舫實土約流東
津百步之間若牙與齧朝漲夕降滯舸次鱗亟乞
于朝朝不即報下上經營風并日曝其躬其勤秉
心有操士豈無祿視此則冒彼以榮佚此以劬耗
願答其劬錫命錫誥

四月十三日唐店寄錢推官

昨夜月如水君能携酒來破除愁悶去洗蕩肺腸開
露氣林間落河聲地底迴相知不須早語合自無猜
山行林下徒步訪李宣叔宣叔有詩依韻答
渡河誰道去我重子雲才鴻鴈汀洲去牛羊井落徠
乍行初覺倦暫語不能該日色看看暮將歸意復徠
王公之貴谷高判官知唐君夜飲
露宿勤王客相從月下來黃流何日漲綠酒暫時
開風定燈花爛天高斗柄迴醉言多脫略吾黨不
須猜

宛陵先生文集卷第四十七

宛陵先生文集目錄卷第四十八

和劉原甫見贈

聞禽

表臣至十三里店

泊徐城寄二友

至第四鋪二首

倡姬歎

過青陽使風

挑燈杖

蠅

蟬

鶯

雞

鶴

蛙

鳩

蚊

鹿

犬

豕

蛟

兔

魚

龜

蝦

至靈壁得挺之書

暮春白杏花

午日三首

晚得菖蒲

祭猫

和酬太師相公

荅贈圓覺早梅

雍丘遇雨

廟子灣下作

留侯廟下作

高車再過謝永叔

李審言諸公招會

送周都官湖倅

和荅吳太祝

寄吳冲卿見寄

目錄終

宛陵先生文集卷第四十八

依韻和劉原甫舍人赴揚州途次贈予翮

翮河中船

我船緩而西君船迅而東緩迅各所尚不意中路
逢驥馬方騰雲野鶴還就籠亦言出處異同是天
地中我豈不知命人空嗟其窮何當遂逸性川上
作釣翁

聞禽

禽鳴脫破袴定無新易故此語莫相譏善貧知有
素

表臣都官至十三里店

風雨催車騎，駸駸來自南。道傍有茅屋，寧容使君
驂。不謂忽下馬，濕衣逢我談。田家已刈楚，田婦正
好蠶。既將國漕急，復與民事諳。他年此茅屋，便比
棠樹甘。

泊徐城寄杜挺之王平甫

十里五里一值淺，千愁萬愁過徐城。王君論與河
流阻，杜老談思月色清。岸若屹墻空自面，樹如張
蓋欲誰傾。二人黨及親朝夕，更晚更遲何計程。

至第四鋪二首

第四鋪前風雨急，搭河過盡不憂灘。却愁蓬溺空
征棹，始信人間行路難。

輕舟已過第四鋪，憶著陽關末尾聲。惻惻杜公行
底急，白醪何處得同傾。

倡姬歎

萬錢買爾身，千錢買爾笑。老笑空媚人，笑死人不要。

過青陽驛使風

天應怜逆旅，乞與順風初。不假卒漆力，任從帆自
踈。燕攬舟尾，健鷁漱水花。餘會與王都近，何須問
疾徐。

蠅

乘炎出何許人意以微看怒劍休追逐疑屏漫指
彈與蚊更晝夜共窠上盃盤自有堅冰在能令畏
不難

蟬

柳上一聲蟬沙頭千里船行經朝雨後思亂暑風
前物趣時時改人情忽忽遷感新猶感舊更復幾
多年

鶯

綠柳陰猶薄黃鸝轉已清年年舟上客處處樹頭

聲身勇佳人語依稀太子笙夕陽聽不足飛入舊
荒城

雞

昂然大雄雞高冠紫沉羽星占太史局樹棲丞相
府知時不失晦得食曾呼伍幸無終夜鳴須防人
起舞

鶴

何時別遼海俛啄雜庭鷗去作仙人駕來乘衛國
軒雲中晴引唳松上舊能言俱說長千歲子非學
羨門

挑燈杖

油燈方照夜此物用能行焦首終無悔橫身為發
明盡心常欲曉委地始知輕若比飄飄梗何邀世
上名

蛙

陂蛙怒目生科斗亦縱橫自得君王揖能為鼓吹
聲越人嘗入饌秦客不須驚誰解緣明月徒誇兩
股輕

鳩

一世為巢拙長年與鵲爭欲知雲脚雨先向屋頭

鳴頸上玉花碎臆前檀粉輕何時將刻杖扶助老

夫行

蚊

向晚化汚積群飛來戶庭黷螟許巢睫琥珀為留
形夜色徧容蔽雷音亦感聽猶矜負山力血食也
雷醒

鹿

群處空山中跡在深松下周穆得同狼秦人指為
馬驚顧遠世網脫質去田野誰思充腹脩自是全
無者

無名犬

常隨輕騎獵不獨朱門守鷹前任指蹤雪下還狂
走人思上蔡逢書寄華亭後莫將呼作龍梁肉纔
經口

豕

司原豢俗豨日見容陰昵喜比為白麟惟憂不豐
溢烈飈澤雨作真聲向人出司原悔何由肝膽空
駭慄

蛟

橋邊三尺劍江上六鈞弧漢武帝何處周將軍已

無織綃深有室泣淚自為珠誰為九淵害人猶能
爾圖

兔

迷蹤在塵土衣褐戀蓬蒿有狡誰窮穴中書惜技
毫獵從原上脫靈向月邊逃死作功勳戒良弓合
自殘

魚

洛水美頰鯉入河西去時三春登玉浪一日到天
池垂釣豈容羨小鱗應莫隨腹中無匕首已不助
吳兒

龜

王府有寶龜名存骨未朽初爲清江使因落豫且
手白玉刻佩章黃金鑄印紐辭聘彼莊生曳涂誠
自有

蝦

自生江海涯小大形拳曲宮簾織以鬚水母憑爲
目貴將蔽其私賤用資不足於物豈無助况能參
鼎肉

至靈壁鎮於許供奉處得杜挺之書及詩
去冬過尋歷陽守江沙半遮當利口口頭沙震浪

如山浦淑排舟魚貫柳却畏浪高難苦留聞解符
來時不久平明挂席入揚州主人釀成百斛酒酒
上玉蛆如笑花一日倒空罌與缶主人亦欲君舊
友請我逢君同此首清明君果渡江至與君繼舳
曾無負過淮風緊到洪澤使人助我如臂肘暮春
泝汴汴流澁自假輕航去如走千憂萬阻經靈壁
留書津吏情何厚副之佳句二十言文昌光芒夜
侵斗平時相恤以此稀緩急求之更難有風牽月
挽望符離水館野亭能駐不葛巾輕服約登步葱
臃冷淘誇甚滄書中不說王平甫應又先行君在

後我今趣君君趣王趣入大梁須執手

永城杜寺丞大年暮春白杏花

孤素發殘枝非關比衆遲殷勤勝苜蓿葉重疊為農時

午日三首

有酒不病飲况無菖蒲根空懷楚風俗角黍弔沉
冤

佳人五色縷道士絳囊符瘦臂不中繫百邪何用

驅

百草堪為藥舟行不及收岸傍蕭與艾從聽到寒

休

晚得菖蒲

薄暮得菖蒲猶勝竟日無我馬能免俗三揖向樽壺

祭猫

自有五白猫鼠不侵我書今朝五白死祭與飯與
魚送之于中河况爾非爾踈昔爾齧一鼠銜鳴遠

庭除欲使衆鼠驚意將清我廬一從登舟來舟中
同屋居糗糧雖甚薄免食漏竊餘此實爾有勤有
勤勝雞猪世人重驅駕謂不如馬驢已矣莫復論

為爾聊獻獻

依韻和酬太師杜相公行

相國推心本至平欲揚蕭艾作蘭馨孤根易變終
微賤美澤難濡漫悔冥楚客嘗聞紉若若王孫誰
復顧青青東風已與生成足不敢希冀在帝庭

依韻答僧圓覺早梅

江南自寒苦花不與時同清向三冬足香傳一國
中雲湖藏舊市雪樹認新豐未有虧冰素隨粧入
漢宮

雍丘遇雨

日暮風雨急逆水舟難牽波波入杞國悄悄誰憂
天闐闐陂中雷幕幕隄外煙驟然沃大熱蒸飲

如炊煎飲水徒脹滿渴喉殊未蠲揉蓬已煩倦汗
額常不乾如何一席地長少皆在前衣巾不敢去
又以禮數纏安得化巖石兩脛沒流泉每暑起此
念念之凡幾年終當逐逸志奚必事華顛

廟子灣下作

廟子灣下百尺船杞人楚人相雜牽水底老蜃倚
以怪樹頭挂紙吹作錢江蛟海鷗千萬里軒風披
日蠻島邊長安舊去天尺五此在大梁眉睫前高
冠長劍乃不畏沙雨夜起噴腥涎

留侯廟下作

貌如女子心如鐵五世相韓韓已滅家童三百不
足使倉海君初去相結秦皇東從博浪過力士袖
椎同决烈曉入沙中風正昏誤擊副車搜迹絕亡
命不邳圯上游老父墮履意未別顧謂孺子下取
之心始不平終折節舒足既受笑且去行及里所
還可說可教後當五日來三返其期付書閱他日
則爲王者師果輔高皇號奇傑留國存祠汴水傍
逢逢簫鼓賽肥羊赤松不見天地長黃石共葬立
冢荒

高車舟過謝承叔內翰

世人重貴不重舊重舊今見歐陽公昨朝喜我
門入高車臨岸造船蓬俯躬拜我禮愈下騶徒竊
語音微通我公聲名壓朝右何厚於此瘦老翁笑
言啞啞似平昔妻子信說如梁鴻自茲連雨泥没
脛未得謁帝明光宮冒陰履濕就稅地親賓未過
知巷窮復聞傳呼公又至黃金絡馬聲瓏瓏紫袍
寶帶照屋室飲水啜茗當清風邀以新詩出古律
霜髯屢頷搖寒松因嗟近代貴莫比官爲司空仍
侍中今成冢丘已寂寞文字豈得留無窮以此易
彼可勿媿浮榮有若送兩虹湏臾斷滅不復見唯

有明月常當空况我學不為買祿直欲到死攀軻
雄一飯足以飽我腹一衣足以飾我躬老雖得職
不足顯願與公去驩樂同驩樂同治園田穎水東

李審言相招與刁景純周仲章裴如晦馮

當世沈文通謝師厚師直會開寶塔院

自君命我飲朝暮雨傾瓦城東與城北大道泥沒
馬敢忘主人勤顛撲困馭者衆客亦如期陳肴藉
蘭若憑裴與沈謝辯論過終賈刁周事老成危坐
言語寡酒半時謔劇揣狀類模寫或譏項髮禿或
指舌端俊或將冠帶身勸作梁武捨謂我大耳兒

此實已見假又効井市態屈強體非雅順風手沙
沙逆風口哆哆竟席屢絕倒去忌肝膽瀉規規豈
無儕達識高天下

送周仲章都官通判湖州

溪水日雲雲弁峯日我我中有水精宮此名其謂
何湖水傳玉娘揚光溯常娥昔人美清夜高樓發
微歌風流百年餘所歷才彥多我寧居其下醉舞
或僂僂君行貳郡事結騎黃金珂容儀苦白哲度
橋鳴索駝士女夾道看秋風吹縠羅言是公侯家
大體儀弗過問儂底未辨撐舩入芰荷應莫勸蠶

織生計非杼梭

依韻答吳安勛太祝

我於文字無一精少學五言希李陵當時巨公特
推詩便將格力追西京下和無足定抱寶乘驥走
行天下老玉已累人馬不逢皇皇何之飢欲倒還
思二十居洛陽公侯接跡論文章文章自此日怪奇
每出一篇爭誦之其鋒雖銳我敢犯新語能如夏侯
湛于今窮困人已衰不見懸金規呂覽乃遭遭吾子
求琢磋珠璣獲斗奈我何

吳冲卿學士以王平甫言淮甸會子子父

未至冲卿與平甫作詩見寄答之

老馬力盡道路長豈若壯驥思騰驤項窮臨流歎
不逝燕骨埋沒庸可傷我今六十趨南北飢腸不
足面黧黑少年心志一點無千里區區安所得往
君閭門之經過閉戶讀書多廢食便從冠帶向仕
途強顏希祿非貪職昨逢王倩昧平生一見如舊
心相傾談經樹下任日炙酒狂便欲騎長鯨誰意
同行有逢疾先入大梁凡幾日大梁故人憐鈍衰
迭為寄唱辭嚴密卒章言買羊與酒雖齒動搖
能飲益亦知紅頰教新成更願舊朋邀六七

宛陵先生文集卷第四十八

宛陵先生文集目錄卷第四十九

寄題絳守園池

陸子履見過

重送周都官

送李殿丞推務

和吳學士石屏

永叔贈絹

奉和永叔感興

奉和永叔社日

社日飲永叔家

觀長星

送李學士知邛州

弔仲源

送梁學士知襄州

送薛氏婦歸絳州

送劉秀才歸當塗

送裴如晦宰吳江

送袁寺丞撫倅

送石舍人使匈奴

和中道觀駕

蘇度支挽詞

重送袁世弼

留題景德寺講僧

閣門水

朝堂宿齋

送杜郎中知虔州

送吳辯叔知鞏縣

當世家觀畫

送玉汝還南京

目錄終

宛陵先生文集卷第四十九

寄題絳守園池

老栢麝不食古色侵青冥淺沼龍不入秋水生浮
 萍屋屢朽堊幾太守壁上彪蔚遺丹青黑石鐫辭
 澁如棘今昔往來人不識酸睛欲抉無聲形既不
 可問不可聽懸泉瀉竇書未停飛玉貯藍光入屏
 苞潭梁集甲癸丁蔓刺交綴垂組紕蒼官羸槐朋
 在庭風蟲日鳥聲嚶嚶卉葩木菓粘枝條集臺腕
 熱昏痾醒文韓詩怪若是徑取一二傳優伶仍
 寄河東薛太守更與斟酌無閑局

陸子履見過

劉郎謫去十年歸長樂鐘聲下太微屈指故人無
曩日平明騎馬扣吾扉論情論舊彈冠少多病多
愁飲酒稀猶喜醉翁時一見攀炎附熱莫相譏

重送周都官

水上朱樓畫角鳴濛濛雨裏榜舟輕未逢甫里先
生謁多見吳興太守迎荷葉半黃蓮子老霜苞微
綠橘林明十年不到風煙改君去將詩與畫評

送李載之殿丞赴海州推務

瓜蔓水生風雨多吳船發棹唱吳歌槎從秋漢下

應快人憶故園歸奈何世事靜思同轉轂物華催
老劇飛梭茶官到有清閑味海月團團入酒罍

和吳冲卿學士石屏

吳夫子佩銀龜乘天馬素怪奇忽得號畧一片石
其中白色圓如規又有樹與鳥畫手雖妙何能為
吳乃持問歐陽公比公曩獲尤可疑疑不為辨賦
以詩詩辭粲粲明星垂復遣賈來使我和坐上鉅
公傍睨之范侯寔有楊雄學咸云此理難究推我
婦滌慮反覆思義雖不經聊解頤月與太陽合朔
時陽鳥飛上桂樹枝枝上作窠生群兒人不知天

公天公欲俾世間見影着石面如粘繭烏既不得
去月亦不可移留為千古作好玩慎勿傾撲同玉

碑

時在唐書局與歐陽永叔王
原并范景仁會食得所示詩

永叔贈絹二十匹

鳳凰拔羽覆鷦鷯鷦鷯幸脫僵蒿蓬昔公處貧我
同困我無金玉可助公今公既貴我尚窘公有緣
帛周我窮古來朋儕義亦少子貢不顧顏淵空復
聞韓孟最相善身仆道路哀妻僮生前曾未獲一
飽徒說吟響如秋蟲自驚此贈已過足外可畢嫁
內禦冬况無杜甫海圖圻天吳且免在褐躬瘦兒

兩脛不赤凍病婦十指休補縫厨中餒婢喜有望
服鮮弃垢必所蒙梁上君子切莫下吾非陳寔何
爾容

依韻奉和永叔感興五首

泉上有君子齋祠達主誠向來霖雨暴觸處蛟鼉
鳴既祈致日出杲杲紓民情天子遣以報固匪媚
取名因成感興章庶用語平生蹈道久已熟情田
不須耕

既負天下望必憂天下責每聞諫諍辭苦意多矯
激心存義勇赤氣與虹霓白所論言必從豈若水

社日飲永叔家

雨未雨濛濛野田擊鼓賽社翁折條跨馬社翁去
醉叟卧倒梨葉紅黿頭主人邀客飲玉酒新賜蓬
萊宮彭宣不預後堂會康成一舉三百鍾更邀明
月出海底爛醉等是歸蒿蓬

八月十三日觀長星

長星彗雲出天狗欲墮鳴狗掃不見跡昭昭河漢
橫河漢秋轉淨箕斗垂光晶勸爾長星酒收視看
太平

送李才元學士知邛州

人守車煌煌莫如還故鄉昔登蜀郡籍今得臨邛
章過家禮耆舊接境跪壺漿寒經道路遠春入山
川長俗將樂其化詔亦美其良相如有遺跡誰復
酒壚傍

弔仲源

世家吳季子皇籍漢諸孫噓管行車失盛堂隱几
存枝摧從玉樹星隕自天垣寧復下貧賤停驂來
里門

送蔡學士知襄州

騎吹荆州去喬林漢水前鄉亭逢故老牛酒問高

年翠嶽臨關路黃柑逐賈船習家池館在賓從與
留連

送薛氏婦歸絳州

在家勗爾勤女功無不喜既嫁訓爾恭恭已乃遠
耻我家本素風百事無有侈隨宜具奩箱不陋復
不鄙當須記母言夜寐仍夙起慎勿窺窻戶慎勿
輒笑毀妄非勿較竟醜語勿辨理每順舅姑心况
逆舅姑耳爲婦若此能乃是儒家子看爾十九年
門闥未嘗履一朝陟太行悲傷黃河水車徒望何
處哭泣動隣里生女不如男天親反由彼

送劉繼鄴秀才歸當塗

鷓鴣始出巢欲矜五色羽乃見郡鷓盤壤中將有
取梧桐與竹實安得在平土所趣固已殊而何不
遠舉幸失網羅目宜還蘭蕙圃故鄉有嘉林其下
可以處會侍朝陽鳴賀變成律呂

送裴如晦宰吳江

吳江田有粳粳香春作雪吳江下有鱸鱸肥膾堪
切炊粳調橙蒸飽食不爲餐月從洞庭來光映寒
湖凸長橋坐虹背衣濕霜未結四顧無纖雲魚跳
明鏡裂誰能與子同去若秋鷹擊

送撫州通判袁世弼寺丞

帆疏疏織綠蒲二十四幅輕江湖高秋逆水上天
去朝過瓜步暮濡湏長風沙頭問鯉魚大孤山側
鳴寒烏魚腹無書報家信憑烏爲到西山區西山
松栢應更好及取之官來拜掃

送石昌言舍人使匈奴

燕然山北大單于漢家皇帝與爾書持書大夫腰
金魚飛龍借馬出國都胡沙九月草已枯草上霜
花如五銖白裘貂帽著不暖莽莽黃塵車款款野
廬邊月出隴來風靜天遙鴈書短聞到西庭心

寒譚言揉耳不譏彈公於是時已觀禮踏雪再拜
辭可汗

依韻和宋中道觀八月二十八日車駕朝

謁景靈宮

都人夾望禁槐傍閭闔初來旭日光彫玉翠鞍牽
騾馬盤龍朱輦爛文章焚香闕殿開嚴帳汲水寒
溝洒廣莊一見天顏萬人喜却迴宮禁樂聲長

度支蘇才翁挽詞三首

子美同葬

二十識君貌交游非一朝魄光沉碧海志業隕青
霄洛客舊爲社楚人今作招素車京峴路應不似

崔崑

盛世雖多士唯公與衆殊高才飛健鷗逸句吐明珠未入周官采爭持楚璞模莫悲泉骨朽青史見賢愚

自昔愛春物鑄深眼底紅日斜花在落身醉客西東歿數千年隔生悲百事空君嘗知此理不悞學陶公

重送袁世弼

臨川內史謝康樂貝葉翻經有故臺春草生塘猶夢句秋蕖出水似君才駁雞肥脆聊供膳芻酒甘

濃可薦盃亦說右軍遺跡在墨池科斗喜風雷

留題景德寺吉祥講僧

我講異爾講我書非爾書彼將希白馬此亦猶大車皆行國都內轍不入委問世人日擾擾來慕清涼居

閣門水

朝堂嘉祐元年九月九日宿齋歐陽永叔張叔之孫之翰命賦

宮井回非一獨傳甘與泔涓釀成光祿酒調作太官羹上合銀餅貯齋廬玉茗烹相如方病渴空聽轆轤聲

朝堂宿齋

王屬陪祠日宮廬寓宿時鍾來建章遠月過羽林
遲寒入清綾被風牽翠鳳旗賈生誰復召安問鬼
神為

送杜挺之即中知虔州

大庾嶺邊無臘雪惟有梅花與明月月光如水來
向人太守得閑盃耳熱吹香入酒望梁宋正是苦
寒綿可折亦當念君君行南南方無冰地不裂此
身不到五侯門肥羔釀酒槐槽咽玉色少年生頰
春解笑吟腸冷如鐵衝風冒霰入廣文老與諸生
開反切重嗟君遠隔江湖雖得豐甘牙已缺官幾

執樂一千指脩頸慢肌衣錯纈定逢賓客強排疑
舞徹六么紅袖掣人竟羨君君愈疲夜歸坐閣思
予說

送吳辯叔知鞏縣

言為西邑宰本是洛陽人送駟往歸魏迎車來入
秦山川成鞏固陵廟壯威神好學河陽政栽花作
縣春

當世家觀畫

冰蠶吐絲織織紈妙娥貌入玉輕邯鄲曲眉淺臉
鵝髮盤白角瑩薄垂肩冠銅青羅衫日月團紅裙

撮暈朝霞乾手中把筆書小字字以通情形以觀
形隨畫去能長好歲年年應不老相逢熟識眼
生春重伴忘憂作萱草

送韓簽判玉汝還南京持質太札表

天子甘泉祀歡聲浹九圍綠章馳騎入朱服佩魚
歸賦雪上賓席買髮更舞衣清池無限鴈莫道信
音稀

宛陵先生文集卷第四十九

宛陵先生文集目錄卷第五十

桃花源詩

永叔席上分題

永叔白兔

直宿廣文舍下

送中道倅廣平

送宋端明知成都

戲作嫦娥責

送李涇州二首

送景純使北

送馬司諫使北

重賦白兔

王祁公北園

觀盤車圖

寄許越州

永叔請賦車螯

寄題郢州白雪樓

和永叔荅原甫

平山堂留題

卷三
目録終
答張子卿秀才

江學士寄酥梨

答原甫寄糟薑

銅雀硯

歐陽諸公見過

示胡人下程圖

送李太保知儀州

劉元忠遺金橘

原叔宅觀山水圖

送廖倚歸衡山

目録終

宛陵先生文集卷第五十

桃花源詩

并序

嘉祐元年予在京師邂逅與都官負外郎張侯顯
遇于書肆中張語往時相識於唐俞家今二十三
年矣因各言出處張曰實居武陵武陵舊迹可具
道始時陶潛為記與詩其後往往賦詠不絕君之
仲父昔嘗有作聞君能詩多為公卿大夫諷誦願
得一章夸咤遠土亦當買石刊置崑下既重其意
許其錄幼時所為五言歸閱故藁則頗不愜心遂
別為一章以塞張侯之請

鹿爲馬龍爲蛇鳳皇避羅麟避宜天下逃難不知
數入海居品皆是家武陵源中深隱人共將鷄犬
栽桃花花開記春不記歲金椎自劫博浪沙亦殊
商顏采芝草唯與少長親胡麻豈意異時漁者入
各各因問人間賒秦已非秦孰爲漢矣論魏晉如
割瓜英雄滅盡有石闕智惠屏去無年華俗骨思
歸一相送慎勿與世言雲霞出洞沁溪夢寐覺物
景都失同迴棹心寄草樹欲復往山幽水亂尋無
涯

永叔席上分韻送裴如晦

得黯字

霜華夜夜濃
汴水日日減
行邁唯恐遲
離懷不消
黯遠輕吳江
潮乃見丈夫
膽君意應泯
然吾方困
塵慘

永叔白兔

可笑嫦娥不了事
走却玉兔來人間
分寸不落獵
犬口滁州野
叟獲以還
霜毛茸茸目
睛殷紅條金
練相繫掣馳
戲舊守作異
玩況乃已在
蓬萊山月中
辛勤莫搗藥
桂傍杵臼今
應閑我欲拔
毛爲白
筆研朱寫詩
破公顏

直宿廣文舍下

前夜宿廣文葉響竹打雪昨夜宿廣文窓影竹照
月賴此數竿竹與我為煖熱上有寒鵲棲拳足如
瘦巖平明欲飛去喞喞若告說我無喜可報煩爾
弄觜舌亦嘗苦老鷄鳴噪每切切為學本為道窮
覺今素髮但能得酒飲終日自兀兀

送宋中道太博倅廣平

行役無冬春車馬無南北急若機上梭離別腸自
織其間走聲利書夜不能息晚得二友生胸覬吐
五色各思強祿仕安肯坐仰食一之毛遂卿一之
太伯國豈無穎脫才可邁古風力明當障大河去

路指斗極誰念平原君能於衆中識

裴如晦時亦宰吳江

送宋端明知成都

其兄相國新鎮河陽

伯仲俱邦棟朝廷倚以隆出為周九牧入是漢三公
歲易星辰轉天均雨露同威聲滿河北事業出
山東賦壓臨邛馬文高益部雄英靈當自伏教化
已先通轂騎花川隘壺漿錦里空道途來筆馬都
邑貴郛筒刀夢殊祥後鋒車急占中春江湏愛賞
花鳳在梧桐

戲作嫦娥責

我昨既賦白兔詩笑他嫦娥誠自癡正值十月十

五夜月開冰團上東籬畢星在傍如張羅固謂走
失應無疑不意常娥早覺怒使令烏鵲繞樹枝啾
噪言語誰可辨徘徊赴寢寒寒帷又將清光射我
腹但覺軫粟生枯皮乃夢女子下天來五色雲擁
端容儀雕瓊刻肪肌骨秀聲音柔響揚雙眉以理
責我我為聽何擬玉兔為凡卑百獸皆有偶然白
神靈獨冒由所推裴生亦有如此作專意見責心
未夷遂去裴生少年爾譖弄溫軟在酒卮爾身屈
強一片鐵安得妄許成怪竒翰林主人亦不愛爾
說爾猶自惜知不知叩頭再謝沈已去起看月向

西南垂

送李涇州審言

古章乘一障不過提千兵今握數萬衆獨自制名
城諸將俯聽命莫敢輒吐聲堂下選驃裏帳中圖
崢嶸山川在目中虜寇來必平誰入識謝艾只是
一書生

漢家舊日回中路天子新除太守行牙將握刀趨
遠驛羗人下馬拜高旌雲間白草開邊隴山上朱
樓壓郡城勇脫區區簿書內壯心應欲請長纓

送刁景純學士使北

嘗聞朔北寒尤甚已見黃河可過車駟騎駸駸持
漢節邊風慘慘聽胡笳朝供酪粥冰生椀夜卧氊
廬月照沙侍女新傳教坊曲歸來偷賞上林花

送馬仲途司諫使北

每道龍鱗司諫諍又持旄節使陰山貂裘不見風
霜勁鴈磧遙知道路艱冰膾芥齏非楚味玉茗蘭
茁說燕顏單于不敢輕中國名馬新調為送還

重賦白兔

然非老
筆不可

永叔云諸君所作皆以常娥月宮為說頗
願吾兄以他意別作一篇庶幾高出羣類

毛氏穎出中山中衣白兔褐求文公文公嘗為穎

作傳使穎名字存無窮徧走五嶽都不逢乃至瑯
琊聞醉翁醉翁傳是昌黎之後身文章節行一以
同滁人喜其就籠繼遂與提携來自東見公於鉅
鼇之峯正草命令辭如虹筆秃頽脫冠以從赤身
謝德歸蒿蓬

王祁公止園

園林多高榭園卉多芳柔紅紫經幾春青枯經幾
秋我至每懷浮觴之卿翁但見浮觴之水汨汨流
水流日夜曾未休高門世世生賢侯不比平泉碑
缺花木記又非家鳩嘯鳳凰樓洛陽城中亦有園

與宅常同歐陽翰林携酒遊竹間池館遺翠羽
外楊柳繫紫騮今嗟齒似舊履作博士嘉趣只與
心相仇強騎瘦馬往城北二十三年如轉頭歸來
作此辭且應主人求

觀楊之美盤車圖

谷口長松葉老瘦澗畔古樹身枯高土山慘愴遠
復遠坡路曲折盤車勞二車迴正轆接軫繼下三
車來嶮嶙過橋已有一乘歇解牛離軛童可晒黃
衫烏巾驅舉鞭經險就易將及前轂輪傍側輻可
數蹄角挽錯捲箱聯古絲昏晦三尺絹畫此當與

展子虔坐中識別有公子意思往往疑魏賢子虔
與賢皆妙筆觀玩磨滅窮歲年塗丹抹青尚欺俗
早龍雨日猶賣錢是亦可以秘疑亦不可捐為君
題卷尾願君世世傳

寄許越州

開元冠蓋裏無若賀知章乞得鏡湖水洗出明月
光行坐鏡與月身衣羽人裳心存黃庭經目視白
鳥行歲時忽已古高韻抗彭莊今聞許子春來守
稽山傍稽山風月在鏡水菰蒲長臘市開梅萼霰
雪凌早芳卧龍生茗舌鼓角催新陽焙遠可以啜

樹間可以觴賀老於當日必定無此嘗唯李白
詩酒船芙蓉香安得効白也賸載借舸與君同
醉翁智慮收肝腸高齋詩林遠葉本開指十卷來
此詩坐永林請賦車螯入菜心香黃與路日野白
素脣紫錦背漿味墜甜菜海客穿海沙拾貯寒潮
退王都有美醞此物實當對相去三千里貴力致
以配翰林文章宗炙鮮尤所愛旋坵旋沽飲酒船
如落埭殊非非人宜肥羊蝦鱉塊不可計
與習詩寄題郢州白雪樓
楚之襄王問於宋玉玉時對以郢中歌歌爲白雪

陽春曲始唱千人和再唱百人逐至此和者絕
人乃知高調難隨俗後來感槩起危樓足接浮雲
聲出屋中古客應無怊悵鯢魚孟諸宿樓傾復構
春又春酒馮瑠璃烹錦鱗青山繞欄看不盡眼穿
盪漿石城人去知何在寒花雨斂自生嘆今聞太
守新梁棟試選清喉可動塵

和永叔春劉原甫遊平山堂寄

黃土坡陁岡頂寺青烟幕歷浙西山半荒樵牧舊
城下一月陰晴連嶼間人指廢興都莫問眼看出
古總輪閑劉郎寄詠公酬處夜對金鑾步楚軍還

平山堂留題

蜀岡莽蒼臨大邦雄雄太守駐旌幢相基樹楹氣
勢尾千山飛影橫過江峯嶠俯仰如奔降雷堂波
小鷄鵝雙陸羽井苔粘瓦缸煎鑪瀉鼎聲淙淙雨
牙鳥瓜不易得碾雪恨無居士龐已見宣城謝公
陋吟看遠岫通高窓

答張子卿秀才

公武

茫茫九土中天網該時秀有鳳不收羅有麟不獲
狩賢豪為咨嗟都邑誦瓊琇而我當是時欲見恨
未遑忽過廣平居遇子乃邂逅懷中一新篇幸出

洗昏瞶一美韓公才

推圭也

一語南方冠鏗然青琅

玕交夏風雨驟輒用告衆多亦未甚便售固知至
珍物不入市井質昨朝驚扉鳴始悟子來扣鉅編
高貯襟細卷仍函袖麻衣踏屣靴再拜謹以授因
之重感愴世德實有舊文體古為徒家聲喜能又
其間贅愚辭愧累將恐諾磨拂李杜光誠與日月
鬪退之心伏降安得此孤陋豈能造春榮豈解易
星宿一身猶寒飢生未飽藜豆高高河漢流肯下
饋湔漱蟲魚儻無施捉撮不乖繆聊此慰窮愁文
章終莫就庭前枯石榴寒雀並清晝遙遙獨詠歌

寄翼與報訓

江隣幾學士寄酥梨

興平烹瓊乳咸陽摘冰枝秦女點山日張公開谷
時刻破玉漿壺泛融金酒卮適從關中寄不見博
士卑

荅劉原甫寄糟薑

名國萬家城千畦等封侯劇當燕去前醃牙費糟
豈無筋偃王笑有味三閭羞寄入翰林席聖以不
撤優又寄蓬門下作賦誰肯休唯我廣文舍免為
糞鹽仇劉公漢家齋才學歆向儔曾懷飽經史辨

論出九州曾不奉權貴但與故人投贈辛非贈甘
此意當自求

銅雀硯

歌舞人已死臺殿棟已傾舊墓生黑棘古瓦埋深
耕玉質先骨朽松棟為埃輕築緊風雨剝埏和鈿
膏精不作鴛鴦飛乃有科斗情磨失沙礫粗扣知
金石聲初求畎畝下遂廁几席清入用固為貴論
古莫與并端溪割紫雲空負世上名韓著毛穎傳
何獨稱陶泓儻以較歲年泓當視如兄

歐陽永叔王原叔二翰林韓子華吳長文

二舍人同過弊廬值出不及見 十二月七日

枯竹為門扉不可容車騎況如鄭廣文無檀籍賓
位窮冬月破七貴客聯玉轡傳騶爾里閭下榻呼
童稚問我何所往共留墻上字兒愚不知誰金章
言照地既屈卿大夫恨莫親帚箕星躔回已高麟
趾寧復至戢戢鄰巷居相見竊自喟豈料瘦老翁
能令賢達至昔時蓬蒿徑安有此盛事

元忠示胡人下程圖

單于獵罷卧錦紅解鞍休騎荒磧中蒼駒駟駱六
十匹隱谷映坡分尾鬣九馳五牛羊頗倍沙草晚

牧生寒風貴賤小大指五百執作意態皆不同二
鷹在臂二鷹架駿大當對寧爭功擅廬鼎鼎列帳幙
擁鼓角未吹驚寒鴻土山高高置烽燧毛囊貯獲
閑刀弓水泉在側挹其上長河杳杳流無窮素紉
六幅筆何巧胡瓌畫妙誰能通今日都城有別識
別識共許劉元忠

送李太保知儀州

出塞開牙帳論兵啓玉鈐漢泉思白馬秦冢弔蒙
恬族本西山大聲從渭北兼相如嘗學劔文士亦
何嫌

劉元忠遺金橘

南方生美果且體橘包微韓彈有輕薄楚萍知是
非甘香奉華俎咀嚼破明璣欲換蓬壺腹及盈忽
我歸

王原叔內翰宅觀山水圖

石蒼蒼連峭峯大山窳我雲霧中老松瘦樹無筆
蹤巧奪造化何能窮古絹脆裂再粘續氣象一似
高高嵩上有荆浩字特歸翰林公願換廷圭一丸
墨誰言賣錢須青銅范寬到老學未足李成但得
平遠工黃金白壁未為寶文人師臣無不通

送廖倚歸衡山

倚來為其兄求集序於歐陽永叔

雌猿夜啼別湘東曉尋故人背孤桐孤桐有聲彈
不響弦絕曲在埋萬蓬知音萬古期必逢今日已
聞天下雄陟山沙水不辭遠文章大名居禁中和
門一見顏色喜抱琴三歎含徵宮九疇不汨微禹
力堯舜豈無明與聰推根致本賢意合叙述況值
太史公買金得玉莫忘寶却過洞庭乘朔風猿休
啼月月色好還來舊山伴狙翁

十月月也改墨來書山野餘

入史公其金針在莫忘實味國威致乘降風蘇林

門一具其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

不曉其意也書時本二歲合始宮天書不所端禹

程